



9(44)8

12-5

4





Ս. ԼՕԶԻՆՍԿԻՑ

ՍԱՀՄԱՆԱԴԻՐ ԺՈՂՈՎԸ

ՖՐԱՆՍԻԱՅՈՒՄ

1789 թ.




Թարգ. ՄԱՏԹԷՈՍ ՎԱՐԴԱՊԵՏ



1911 թ.

ՎԱՂԱՐՉԱՊԱՏ

Եկեղաբաշարի տպարան Մ. Աթոռոյ Ս. Էջմիածին



Հովհաննիս Գրիգորյան
Ա. Գրիգորյան Գրիգոր
Ս. ԼՕԶԻՆՍԿԻՑ

9(44)

L-71

ՍԱՀՄԱՆԱԴԻՐ ԺՈՂՈՎԸ

ՖՐԱՆՍԻԱՅՈՒՄ

1789 թ.

~~6111~~

A
16779



1911 թ.

ՎԱՂԱՐՁԱՊԱՏ

Ելեքորաշարժ տպարան Մ. Աթուոյ Ս. Էջմիածին

USA
195

WASHINGTON
D.C.
1947

1947

1789 ԹՈՒԻ ՍԱՀՄԱՆԱԴԻՐ ԺՈՂՈՎԸ

ՖՐԱՆՍԻԱՅՈՒՄ

Մայիսեան պայծառ արևը լուսաւորում էր Վերսայլի լայն ծառուղին, որ տանում էր դէպի ս. Լիւդովիկոսի եկեղեցին: Այս ծառուղիով 1789 թուի մայիսի 4-ին, առաւօտեան 10 ժամին, Ֆրանսիական ժողովրդի ներկայացուցիչներն ուղևորուեցին դէպի եկեղեցի, ուր սպասում էր նրանց Նանսի քաղաքի արքեպիսկոպոսի օրհնութիւնը: Ներկայացուցիչների գնացքը կրում էր խիստ հանդիսաւոր բնաւորութիւն. առաջից գնում էին հոգևորականութեան ներկայացուցիչները, ապա ազնուականութեան ներկայացուցիչները, նրանց յետևից գնում էին, այսպէս ասած, երրորդ դասակարգի ներկայացուցիչները, այսինքն նոքա, որոնք բաղդ չէին ունեցել առաջին երկու բարձր դասակարգին պատկանելու:

Ինքնավստահ, աշխոյժ գնում էին հոգևորականութեան բոլոր 291 ներկայացուցիչները. թւում էր թէ ոչինչ չէր կարող սպառնալ մի

դասակարգի, որ իր առանձնաշնորհումները հիմ-
նել էր աստուածային օրէնքների վրա: Հողե-
րականութեան ի՞նչ պէտքն է ժողովրդեան դժ-
գոհութիւնը, գիւղացու զայրոյթը, բուրժուազիայի
ազատութեան համար արձակած ճիչը. չէ՞ որ
հողերականութիւնը «չէ յայսմ աշխարհէ» և
առանց նրա անհասանելի է որ և է հասարակա-
կան կարգ . . .

Այնքան էլ զուարթ չէին նայում ապա-
գային ազնուականութեան 270 ներկայացուցիչ-
ները. ուրիշ ժամանակներ էին եկել. իսկական
ազնուականին հարկաւոր էր անագին փող, իսկ
այստեղ հողը տարէցտարի տալիս է աւելի ու
աւելի քիչ. պարտքերն աճում են, գիւղացիք
ապստամբում են և այս բոլորից զատ՝ պետութիւնը
պահանջում է ազնուականներից նուէրներ. հէնց
յատկապէս այդ նպատակով պետութիւնը ստեղ-
ծեց Ֆրանսիական ժողովրդի ներկայացուցիչնե-
րին . . .

Կենդրոնացած, մտահոգ, կարծես գիտակ-
ցելով ապագայ դէպքերի լրջութիւնն ու վեհու-
թիւնը, գնում էին երրորդ դասակարգի 570
ներկայացուցիչները: Ի՞նչպիսի արհամարհանքով
էին վերաբերում նրանց առաջից գնացող դա-
սակարգերի ներկայացուցիչները, իսկապէս նրանց
համար ի՞նչ է մանր իրաւաբանների և դաւառա-
ցիների այս անագին սև զանգուածը: Ահա միւս-
ներից առաջ իր հասակով և առիւծի բաշով աչքի
ընկնող Միաբօն է գնում, նա, որն իբր իր անա-
ռակ կեանքի համար դուրս է արուած ազնուա-

կանութեան դասակարգից. նրանից ոչ հեռու
մտահոգ քայլում է Արրաս քաղաքի անյայտ
փաստարան Րօրեպիերը, որի մասին միայն
գիտէին, որ նա գինի չի խմում և չի ծանօթա-
նում կանանց հետ: Ո՛չ, այդպիսի մարդիկը չէին
կարող սարսափելի լինել հոգևորականութեան և
ազնուականութեան համար:

290
270 561
570 1131



I

Մայիսի 5-ին բոլոր դասակարգերի ներկայացուցիչները ժողովեցին առաջին նիստին, որ հանդիսաւորապէս բացուեց Լիւդովիկոս XVI թագաւորի ճառով: Ինչի՞ մասին էր խօսում թագաւորը, բաւական դժուար է ասել. խիստ անբովանդակ և անգոյն էր նրա ճառը: Թագաւորից յետոյ խօսեց Ֆինանսների ազատամիտնախարար Նեկկերը: Նրա ճառը ոչ ոքի չգոհացրեց, որովհետև ամենաայրող, անհրաժեշտ հարցը նա ամենևին չըօշափեց. Նեկկերը շատ բանի մասին խօսեց. և՛ ազնուականների ազնուութեան, և՛ գիւղացիների հաւատարիմ հպատակութեան, և՛ թագաւորի սիրազեղ սրտի մասին, բայց կարծես մոռանալով ոչ մի խօսքով չյիշատակեց այն հարցը, որն այդ ժամանակ զբաղեցնում էր պատգամաւորների միտքը: Այդ հարցը հետևեալն էր. պատգամաւորներն ի՞նչպէս պիտի քուէարկին—դասակարգերո՞վ թե՛ ամբողջովին: Այս հարցի որոշումից, կարելի է ասել, կախուած էր Ֆրանսիական պետութեան ապագայ վիճակը: Իսկապէս եթէ քուէարկութիւնը կլինի ըստ դասակարգերի, ապա բոլոր հարցերը կվճռուեն այնպէս, ինչպէս կցանկանան երկու

արտօնեալ դասակարգերը, այսինքն ազնուակա-
նութիւնն և հոգևոցականութիւնը, իսկ երրորդ
դասակարգն ունենալով միայն մի ձայն, ժողովում
կիսադայ լոկ հանդիսատեսի դեր: Ընդհակառակը,
եթէ քուէարկութիւնը լինի ամբողջովին, այն
ժամանակ երրորդ դասակարգը, որ ժողով էր
ուղարկել 570 ներկայացուցիչներ, այսինքն աւելի
քան հոգևորականութիւնն ու ազնուականութիւնը
միասին վերցրած, կվճռէր բոլոր գործերն ըստ
իւր, չկարօտելով երկու վերին դասակարգերի
աջակցութեան, որոնց շահերը ուղղակի հակառակ
էին այն պահանջներին, որ զրուած էին երրորդ
դասակարգի դրօշակի վրա: Ահա թէ ինչո՞ւ էր
ծագել տաք վէճ հին Ֆրանսիայի—երկու արտօ-
նեալ դասակարգերի և երիտասարդ Ֆրանսիայի
մէջ, որ ձգտում էր ոչնչացնել հասարակութեան
դասակարգերի բաժանումը:

Մայիսի 6-ին ազնուականութիւնն ահագին
մեծամասնութեամբ քուէարկեց գործերի անկախ
վարումն, ընդունելով, որ իւրաքանչիւր դասակարգ
ինքը պիտի ստուգի իր անդամների լիազօրու-
թիւնները և վճռի բոլոր հարցերն ըստ դասա-
կարգի: Նոյնպիսի որոշումն ընդունեցին և հո-
գևորականութեան ներկայացուցիչները, թէև աղ-
քատ քահանաներից շատերը յայտնեցին այն
միտքը թէ՛ նոքա աւելի շուտ պատկանում են
հալածուած երրորդ դասակարգին, քան արտօն-
եալներին: Վերին երկու դասակարգերի ընդունած
որոշման շնորհիւ—անկախ ստուգել ժողովի ան-
դամների լիազօրութիւնները—երրորդ դասակար-

գի ներկայացուցիչների դրուժիւնը դարձաւ խիստ դժուար: Ի՞նչ անել, ի՞նչպէս ստիպել երկու դասակարգերին զիջումներ անել և համոզել նրանց, որ բոլոր դասակարգերը պիտի վարեն գործերը միասին և կազմեն մի Ազգային ժողով, ուր քուէարկելու են բոլորը և ոչ ըստ դասակարգի:

Երկար դատեցին ու խորհեցին երրորդ դասակարգի ներկայացուցիչները, թէ ի՞նչ անեն, մինչև որ, վերջապէս մայիս 19-ին պատգամաւոր Միրարօն առաջարկեց հետեւեալ միջոցը. «Որովհետև, ասում էր նա, հոգևորականութեան մէջ կան այնպիսի անձնաւորութիւններ, որոնք պատրաստ են մեզ յարել, ապա հրաւիրել նրանց մեզ մօտ, և նրանց հետ դուրս գալ ազնուականութեան դէմ: Այն ժամանակ էլ ոչ ոք չի ասի, թէ երրորդ դասակարգը բաղկացած է միայն խռովարարներից. չէ՞ որ մեզ հետ կլինի և հոգևորականութիւնը. տեսնենք կհամարձակուի՞ ազնուականութիւնը մենակ չհնազանդուել հոգևորականութեան և երրորդ դասակարգին, որոնք կգործեն միասին: Մի՞թէ 24 միլիօն մարդուց բաղկացած կուսակցութիւնը չի՞ ներկայացնում այնպիսի ոյժ, որի առաջ ազնուականութիւնը ստիպուած լինի խոնարհել իր գոռոզ գլուխը»:

Միրարօի այս առաջարկութիւնը սաստիկ յուզեց ազնուականութեան, որ ստիպուեց զիմել թագաւորի օգնութեան. թագաւորը պարտաւոր էր բացարձակապէս յայտարարել, որ անհրաժեշտ է դասակարգային և ոչ ազգային ներկայացուցչութիւն և որ բոլոր գործերը պիտի վճռուեն ըստ

դասակարգերի և ոչ ամբողջական քուէարկութեամբ: Բայց մինչ թագաւորը պատրաստուում էր միջամտել հին և նոր Ֆրանսիայի վէճերին, երրորդ դասակարգի ներկայացուցիչները, պատգամաւոր Սիէյսի առաջարկութեամբ յայտնեցին, որ իրանք չեն ներկայանում միայն երրորդ դասակարգի ներկայացուցիչներ, այլ ամբողջ Ֆրանսիական ժողովրդի և թագաւորի կողմից հրաւիրուած ժողովն է ազգային և ոչ դասակարգային ժողով: Սա կատարեալ մարտահրաւէր էր, ինչպէս ազնուականութեան, նոյնպէս և թագաւորին: Յունիսի 23-ին թագաւորը վճռեց երեք դասակարգերից հանդիսաւոր ժողով գումարել, ուր նա յայտնեց իր «ցանկութիւնը, որ 3 դասակարգերի հին բաժանումը մնար իր կատարեալ ուժի մէջ»: Այս յայտարարութիւնից յետոյ թագաւորը հրաման արձակեց բոլոր պատգամաւորներին ցրուել և ինքն անմիջապէս դուրս եկաւ նիստի դահլիճից: Նրան հետեւեցին ազնուականութիւնն ու հոգևորականութիւնը, իսկ երրորդ դասակարգի ներկայացուցիչներն անշարժ մնացին իրանց տեղերում վիրաւորուած և խռովայոյզ: Մի քանի րոպէից յետոյ նիստի դահլիճը մտաւ թագաւորի արարողապետը, որպէս զի յայտնի և յանձնի երրորդ դասակարգի նախագահ Բայլին թագաւորի հրամանը: Արքայական դիսպանը զեռչէր վերջացրել իր խօսքերը, երբ Միրաբօն ցտակեց իր տեղից և գոռաց արարողապետի երեսնի վեր. «Այո, մենք լսեցինք այն, ինչ որ ներշնչել են թագաւորին, բայց ձեզ, որ իրաւունք չունէք

այստեղ ներկայ լինելու, հարկ չկայ մեզ յիշեցնել
 թագաւորի խօսքերը: Թիւրիմացութիւններէց
 խուսափելու համար ես գոնէ պիտի ասեմ, եթէ
 ձեզ յանձնարարուած է հեռացնել մեզ այստեղից,
 ապա դուք պիտի դիմէք զինւորական ուժի, որով-
 հետեւ ժողովրդի կամքով այստեղ հրաւիրուած-
 ներս տեղի կտանք միայն սուլինների ուժին»:

Արարողապետը շփոթուած հեռացաւ, իսկ Միրա-
 բօն, վարակելով իր անձնական քաջութեամբ
 բոլորին, առաջարկեց կազմակերպուած ազգային
 ժողովին յայտարարել, որ պատգամաւորի անձ-
 նաւորութիւնն անձեռնմխելի է և դատաւորը, որ
 կդատի պատգամաւորին ազգային ժողովի մէջ
 խօսածի համար, կհամարուի դաւաճան ազգի
 վերաբերութեամբ և կենթարկուի մահուան պատ-
 ժի: Միրաբօի համարձակ առաջարկութիւնները
 դժգոհութեան հանդիպեցին մի քանի փոքրոգի-
 ների կողմից և վերջինների փոքրոգութիւնից
 օգտուելով Միրաբօն սպառնալով բացականչեց.
 «Եթէ դուք չէք ընդունիլ իմ առաջարկութիւնը,
 այն ժամանակ այս գիշեր կբանտարուեն մեր
 ժողովի 60 անդամներ»: Բուռն ծափահարութիւն-
 ները ծածկեցին հռետորի խօսքերը: Ազգային
 ժողովը վճռապէս մտաւ յեղափոխական ուղին:

Երկու բարձր դասակարգերի ներկայացու-
 ցիչները համոզուած երբորդ դասակարգի ուժի մէջ
 և անհնարին համարելով նրա հետ բացարձակա-
 պէս կռուելը, կամաց կամաց, անտես անելով
 կարգապահութիւնը, սկսեցին ներկայ լինել ազ-
 գային ժողովի նիստին: Լռելեայն ներկայ են լի-

նում նրանք այն համարձակ որոշումներին, որոնք
ընդունուում են հրրորդ դասակարգի կողմից, որն
այժմ իրան անուանում է ամբողջ ազգի ներկա-
յացուցիչ և նրանց սրտերում հասունանում է
ոճրագործ ծրագիր—բռնի տիրանալ այն բանին,
ինչ որ չյաջողեց իրանց թագաւորի հրամանների
միջոցաւ . . .

II

Յուլիսի առաջին թուերից սկսեցին ամեն
կողմից Պարիզ և Վերսայլ հաւաքուել զօրքեր,
օգի մէջ զգացուում էր փոթորկի մօտենալը և բո-
լորը միաձայն ասում էին, որ կառավարութիւնը
միաժամանակ կամենում է յարձակուել և՛ ազգա-
յին ժողովի և՛ Պարիզի վրա, ուր դէպի ժողովի
գործունէութիւնը համակրանքը խիստ մեծ էր:
Միևնոյն ժամանակ դանազան կառավարչական
պրօվօկատօրներն աշխատում էին անկարգութիւն
առաջացնել Պարիզում: Նրանց նպատակը հե-
տևեալն էր —ազգային ժողովը, որ նիստեր էր
գումարում Վերսայլում, կարող էր զօրքի հետ
միասին դուրս գալ խռովարարների դէմ և այն
ժամանակ նա կկորցնէր իր ժողովրդականութիւնը
պարիզցիների աչքում. կամ նա կարող էր չմի-
ջամտել պարիզեան անկարգութիւններին և այն
ժամանակ թագաւորը կյայտարարէր, որ ազգային
ժողովն անկարող է ապահովել հասարակական
անդորրութիւնը, ուստի և պիտի արձակուի: Բայց
ազգային ժողովը կարողացաւ ցրել պրօվօկատօր

կառավարութեան միտումները և հրատարակեց կոչ թէ զինւորներին, ապացուցանելով նրանց, որ չպէտք է գնտակ արձակել զէպի ամբոխը, նոյնպէս և ժողովրդին յիշեցնելով, որ անհրաժեշտ է այս լուրջ բոպէին պահպանել կատարեալ հանգըստութիւն:

Սակայն կառավարութեան այս անյաջողութիւնը չկանգնեցրեց նրա պրօվօկատօրական դործունէութիւնը և յուլիսի 12-ին Պարիզն իմացաւ, որ աղատամիտ նախարար Նեկկերը հրաժարեցրած է և նրա տեղը նշանակուել է ինչ որ յետագէմ անձն: Անմիջապէս Պարիզի փողոցները լցուեցին ժողովրդական բազմութեամբ, տեղ-տեղ հակակառավարչական ցոյցեր եղան և զինւորներն անխըղճօրէն ցրեցին ցուցարարներին, որոնք տանում էին հրաժարեցրած Ֆինանսների նախարար Նեկկերի սգազգեաց կիսարձանը: Երկրորդ օրն ազգային ժողովին ներկայացաւ Պարիզի կողմից պատգամաւորութիւն, որ պահանջում էր հիմնել քաղաքային միլիցիա, որը «չի ջարդիլ խաղաղ քաղաքացիներին, այլ կպաշտպանի նրանց»:

Պատգամաւորութեան պահանջը պաշտպանում է և ազգային ժողովի անդամ Շապելիէն՝ «Փորձը մեզ ցոյց տուեց, ասաց նա, որ իսկապէս ժողովուրդը կարող է պաշտպանել ժողովրդին»:

Այս խօսքերը Պարիզում ընդունուեցին խիստ համակրանքով և հէնց նոյն օրը քաղաքային վարչութեան մէջ հիմնուեց ժամանակաւոր յանձնաժողով, որի պարտաւորութիւնն էր քաղաքացիներին պաշտպանել յետագէմ կուսակցութեան

հնազանդ գինւորներից և ոստիկանութիւնից:

Յաջորդ օրը, յուլիսի 14-ի առաւօտեան, պարիզցիք վախեցան այն տեսարանից, որ ունէր Ֆրանսիայի մայրաքաղաքը: Գլխաւոր հրապարակներում, մանաւանդ Սենտ-Անտուանեան արւարձանում կանգնեցրած էր հեծելազօրքը, որ նոյն իսկ մի տեղ չէր կանգնում, այլ ինչ որ ռազմագիտական վարժութիւններ էր անում, դնալով մի տեղից միւսը: Ի՞նչ էին նշանակում հեծելազօրքի այս փորձերը, հեշտ էր հասկանալ, ի նկատի ունենալով մի կողմից ազատամիտ նեկկերի հրաժարականը, իսկ միւս կողմից պարիզեան քաղաքային վարչութեան մէջ կազմուած ժամանակաւոր յանձնաժողովը: Ժողովուրդը հաւատացած էր, որ կառավարութիւնը, որի թիկունքի յետևը կանգնած էին արտօնեալ դասակարգերը, Պարիզում կոտորած է պատրաստում և սաղմի մէջ կամենում է խեղդել յեղափոխական շարժումը:

Ժողովրդեան բազմութիւնն անհանգստօրէն խոնկում է «Palais Royal»-ը շրջապատող այգում, որ այնտեղ իմանայ թէ ի՞նչ պիտի անի և լսի սիրած հռետորներին: Այնտեղ էին դեռ երիտասարդ փաստաբան Կամիլլ Դեմոլէնը, գեղեցիկ պատանին, որ ժողովրդին զէնքի էր հրաւիրում. թիկնաւէտ գարեջրագործ Սանտերը, որի հայեացքի առաջ խոնարհւում էր ամբողջ Սենտ-Անտուանեան արուարձանը. քաջ Հօլլէնը, որ թնամուհետ ուժով չափուելու կրքից վառուած էր և շատ ուրիշները, որոնք յետոյ մեծ յեղափոխութեան հերոսները դարձան: Բոլոր հռետորները միևնոյն

բանն էին պնդում թէ՛ անհրաժեշտ է տալ ամենավրճոական ճակատամարտ կառավարական ուժի դէմ: Եւ մի միտք յանկարծ բոլորի աչքը բացեց. Սենտ-Անտուանեան արուարձանի մուտքի առաջ կանգնած էր ահագին, մռայլ քաղաքական բանտ Բաստիլիան. նա հին ընթիմի մարմնացումն էր և Պարիզի ներսում փայլելով, կարծես ասում էր ամենքին. յիշեցէք թէ ինչ է սպասում նրանց, որոնք չեն կամենում հնազանդուել իշխանութիւններին. և բոլորը միաբերան գոռացին—գնանք Բաստիլիայի վրա: Մի ակնթարթում զէնքեր գտնուեցին և ամբոխը շարժուեց դէպի մռայլ բանտը: Թնդանօթային սոսկալի համազարկով դիմաւորեց բերդապահ Դիլօնիէն ամբոխին և թւում էր թէ ժողովուրդը չպիտի վերցնի Բաստիլիան: Ամբողջ չորս ժամ ժողովուրդը գնտակոծում էր բանտը, բայց բոլորն իզուր. յանկարծ երևաց սպիտակ դրօշակը, յայտարարուեց ամբողջ —բանտի անձնատուր լինելը: Ժողովուրդը հըրճւում էր, արձակեց Բաստիլիայում բոլոր նըստածներին, իսկ բերդապահին տեղնուտեղը սպանեց:

Վերսայեան կառավարութիւնը շփոթուեց և թագաւորը լսելով իր մերձաւորներից, որ Պարիզում «խռովութիւն և յեղափոխութիւն է», ներկայացաւ ազգային ժողովին և յայտարարեց, որ «իբր անձը վատահանում է ժողովրդի ներկայացուցիչներին»: Վերջնիս յաղթանակը կատարեալ էր և Պարիզը կազմակերպեց ազգային գվարդիա (քաղաքային զինւորութիւն), ընտրելով նրան

հրամանատար ազգային ժողովի ժողովրդական պատգամաւոր Լաֆայետին, և նոր քաղաքային վարչութիւն, նրան գլուխ կանգնեցնելով ազգային ժողովի ներկայացուցիչ Բայլին: Միւսնոյն ժամանակ կառավարութիւնը մի շարք զիջումներ արեց. նեկկեր նախարարը կրկին հրաւիրուեց իր պաշտօնին, զօրքը դուրս տարուեց Պարիզից և Վերսալից և բուրբօնեան նախկին դրօշակը փոխարինուեց նոր եռագոյն դրօշակով:

III

Բաստիլիայի առումն ահագին նշանակութիւն ունեցաւ. Բաստիլիայի հետ ընկաւ հին կարգը և այդ ամենքն էին զգում: Շատ արքայազներ և առհասարակ թագաւորի մերձաւորներ սկսեցին թողնել Ֆրանսիան, օգնութիւն փրնտուելով այն պետութիւնների մէջ, ուր ժողովուրդը խաւարի և տգիտութեան շնորհիւ, որի մէջ նրանց պահում էր կառավարութիւնը, քնած էր խոր-խոր քնով. միւս կողմից երիտասարդ Ֆրանսիան սկսեց ամեն տեղ կազմակերպուել Պարիզի օրինակով և ամեն տեղ վարչութիւնը վերջնականապէս գլուխը կորցրեց. նա չգիտէր գաւառներում պէտք է պահպանել հին կարգը, թէ՛ Բաստիլիայի առումից յետոյ նրան ոչինչ չի մնում անել: Կառավարական գործակալների այս շուարումը, մայրաքաղաքում ամբողջ կառավարութեան աչքի առաջ ժողովրդի ամբողջին տիրանալու փաստի հետ միասին գիւղական անգրագէտ մասսայի մէջ մտցրեց այնպիսի


քաօս, որ գիւղացիք իրանք սկսեցին քանդել իրանց փոքրիկ Բաստիլիաները, այսինքն այն կալուածատէրերի ագարակները, տները, ապարանքները, որոնք դարերի ընթացքում նրանց ատելի էին. միևնոյն ժամանակ աւարի տուին և վանքերն ու առհասարակ հողեկորականութեան ստացուածքը, որովհետև նա էլ հին երանկի ժամանակներում ազնուականութեան հետ հաւասար հալածում և ճնշում էր ժողովրդական մասսային: Ֆրանսիայում սկսուեց կատարեալ անիշխանութիւն, և ամեն գիշեր Ֆրանսիայի վրա բարձրանում էր հրդեհների ցուլքը, այլևում էին գիւղացիներին ատելի երկու արտօնեալ դասակարգերի ստացուածքը:

Այս ընդհանուր խառնաշփոթութեան մէջ ազգային ժողովն իրան չկորցրեց. նա զգում էր, որ անհրաժեշտ է պաշտպանել քաղաքացիների ստացուածքը, այլապէս Ֆրանսիայում հին բեժիմի կամայականութիւնից և հալածանքից ազատուելու գործը վտանգի մէջ էր. բայց միւս կողմից նա գիտակցում էր, որ քաղաքացիներին պաշտպանելը պիտի թողնուի ոչ արքայական զօրքին և ոչ կառավարութեան գործակալներին, այլ ժողովրդական այն ուժին, որ առաջին բողոքում գուցէ կշփոթուի, բայց որն, այնու ամենայնիւ, կփնհատի այն, ինչ որ կխոստանայ ազգային ժողովը: «Գիւղացիական շարժումը ճնշելը, ասում էր ազգային ժողովում Միրաբօն, չպէտք է թողնուի Լիւդովիկոսի նախարարներին, որոնք կարգը վերականգնելու սլատրուակով հեշտութեամբ կա-

րող են խնդրել և յեղափոխութիւնը: Անհրաժեշտ է, որ երիտասարդ Ֆրանսիան ինքն իր վրա վերցնի գիւղացիութեան գրգիռը խաղաղեցնելու գործը: Այս պատճառով անհրաժեշտ է, որ Ֆրանսիայի բոլոր համայնքներն իրաւունք ունենան ամեն տեղ կազմակերպել ազգային դվարդիա, քաղաքային միլիցիա: Մենք հաւատում ենք ժողովրդին, ուստի և պահանջում ենք զինել նրան ինչպէս հասարակական կարգը վերականգնելու, նոյնպէս և երիտասարդ Ֆրանսիան փրկելու համար»:

Միրաբոի այս առաջարկութիւնն ազգային ժողովն ընդունեց հիացմունքով, հեռացրեց ընդհանուր անիշխանութեան կարելիութիւնը. քաղաքային հիմնարկութիւնները զինեցին ազգաընակութեան այն տարերը, որոնց շահը պահանջում էր միաժամանակ թէ վտանգը կանգնեցնել և թէ ամրապնդել այն սկզբունքները, որի համար ոտքի էր կանգնել երրորդ դասակարգը: Այն համայնքների մէջ, ուր քաղաքային հաստատութիւնները գտնւում էին յետադէմների կամ հին արտօնութիւնների կողմնակիցների ձեռքում, ժողովուրդը պահանջեց անմիջապէս վերակազմել իրանց հաստատութիւններն և հրաւիրել քաղաքային ընտրողներին:

Որքան էլ Միրաբոի առաջարկած միջոցը յաջող լինէր, այնու ամենայնիւ նա այն ժամանակուայ Ֆրանսիայի շարիքներից բուժուելու խնկական միջոցը չէր ամենքի համար պարզ էր, որ համարեա ամեն տեղ ոտքի կանգնած գիւղա-



A
16772

ցիները պահանջում էին աւելի շատ բան, քան «հասարակական կարգի վերականգնումը» մինչև անգամ երրորդ դասակարգի ձեռքով: Գիւղացիական ապստամբութիւնն առաջացել էր այն սոսկալի դրութիւնից, որի մէջ գտնուում էր այն ժամանակ Ֆրասիացի գիւղացին և պէտք էր օգնել գիւղացիներին անկախ քաղաքացիներին զինելուց: Այս հիման վրա ազգային ժողովը առաջարկեց իր անդամներից մէկին—ոմն Սոլոմոնին—գեկուցումն ներկայացնել գիւղացիների դրութեան մասին: Մութ գոյներով էր նկարագրել գեկուցանողը գիւղական կեանքը և նրա խօսքերը ժողովի վրա այն պատճառով տպաւորութիւնը գործեցին, որ բոլորը գիտէին թէ ինչպէս գիւղացիութիւնը գրգռուած է իրեն ճնշող հոգևորականութեան և ազնուականութեան դէմ: Ամենքն զգում էին, որ գիւղացիների բացարձակ ապստամբութիւնն ու կատաղութիւնը կանգնեցնել անկարելի էր և այդ դրութիւնից դուրս գալու ամենալաւ ելքն էր ընդառաջ գնալ գիւղացիութեան ցանկութիւններին: Օգոստոսի 4-ի նիստում հոգևորականութեան և ազնուականութեան ներկայացուցիչները, երրորդ դասակարգի միախորհուրդ հաւանութեամբ հրաժարուեցին իրանց հին արտօնութիւններից և մի գիշերում Փրանսիայում ոչնչացուեց ճորտութիւնը կամ ինչպէս յաճախ գործ է ածուում աւատականութիւնը (Ֆէօդալիզմ)՝ գիւղացին դարձաւ ազատ մարդ, ազնուականները չէին կարող այլևս նրանց վրա նայել իբրև ճորտի կամ առարկայի վրա՝ հոգևորականութիւնը զրկուեց բերքի $\frac{1}{10}$ ստա-

Նալուց, երկու արտօնեալ դասակարգերն ըստ ամենայնի հաւասարուեցին ազգարնակութեան միւս մասի հետ և օգոստոսի 4-ը դարձաւ սկիզբ Ֆրանսիական ժողովրդի աւելի արդար և բաղաւոր կեանքի:

Բայց չպէտք է մոռանալ, որ այս կեանքը բնական հետեանք էր գիւղական այն յուզումներին, որ յուլիսի 14-ին Բաստիլիայի առումից յետոյ ճարակիլ էր ամբողջ Ֆրանսիան: Ազնուականութիւնն ու հոգևորականութիւնը հին արտօնութիւնները զոհելով օգոստոսի 4-ին, ազնիւ քայլ արեցին նրա համար, որ տեսան իրանց անել զրութիւնն և հասկացան, որ միայն այս զոհաբերութեամբ կարելի է փրկել թէ իրանց ժողովրդականութիւնը և թէ ստացուածքի այն մասը, որ դեռ չի ոչնչացրած ապստամբ գիւղացիներին սրով ու հրով: Եւ օգոստոսի 4-ին հէնց որ գիւղացիք հանգստացան, ազնուականութիւնն ու հոգևորականութիւնը, որ այնպէս «անշահասիրութիւն» էին ցոյց տալիս «նշանաւոր» երեւոյին, սկսեցին յետ գնալ և պահանջում էին, որ գիւղացիները վճարեն նախկին արտօնեալ դասակարգերին բաւական խոշոր գումար «շնորհած» ազատութեան համար: Բացի այդ, ազնուականութեան կողմից փորձեր եղան Ֆրանսիական պատմութիւնից «պոկել» այն «թերթը», որի վրա փայլում էր «օգոստոսի 4» թուականը, բայց յեղեփոխական երիտասարդ Ֆրանսիան հին Ֆրանսիայից միանգամ խլելով այդպիսի բարեփոխութիւն, չէր ցանկանում յետ գնալ և գիւղացիական

ազատութիւնը դարձաւ ազգային ժողովի հաստատուն նուաճումն: Այս նուաճումից յետոյ Ֆրանսիայում տիրում է լուութիւն և ազգային ժողովը ձեռնարկում է իրրև սահմանադիր ժողով նոր օրէնքների մշակման, որի վրա այդ օրից պիտի կառուցուէր ազատ Ֆրանսիան:

IV

Այն ժամանակուայ Ֆրանսիական պետութեան անկիւնաքարերն էին ազնուականութեան և հոգևորականութեան արտօնութիւններն և այս արտօնութիւններից բղխած երրորդ դասակարգի, այսինքն համարեա ամբողջ Ֆրանսիական ժողովրդի տառապանքն ու ճնշումներն: Ժողովրդին հարստահարելն ազնուականութիւնն ու հոգևորականութիւնն անուանում էին պատմական իրաւունք և այս իրաւունքի անունով կատարւում էին ամեն տեսակ անօրինութիւն և անարդարութիւն, ամեն տեսակ տառապանք և ճնշումն: Նա, ով արտօնեալ դասակարգերի անլուր բռնութիւնների դէմ ձայն էր բարձրացնում, խեղդւում էր յանուն պատմական իրաւունքի և «C'était jadis ainsi» (այսպէս էր ի հնուց) ֆօրմուլան անխտիր իշխում էր հալածանքի և կամայականութեան, խաւարի և տգիտութեան վրա: Պէտք էր պոկել իրաւական դիմակը — պատմական իրաւունքը — կամայական բեժիմի երեսից, պէտք էր խորտակել անարդար և կոպիտ կարգերի պատուանդանները և պատմական

իրաւանց տեղ կանգնել ուրիշ իրաւունք, աւելի հին իրաւունք—բնական իրաւունք: Երիտասարդ Ֆրանսիան կուռւմ էր հին Ֆրանսիայի դէմ հին Ֆրանսիայի դէնքերով: «Դուք, որ պաշտպանու՞մ էք ձեր անարդար իրաւունքը միայն նրա համար, որ նա հին է, դուք պիտի խոնարհուէք բնական օրէնքի առաջ, որովհետեւ նա յաւիտենական է, որովհետեւ նա գոյութիւն ունի աշխարհի ստեղծադործութեան ընդէն»: Այսպէս ծնունդ առաւ Ֆրանսիայի նոր պետական կազմի, նոր սահմանադրութեան գաղափարն, որ պարունակում է իր մէջ մարդու և քաղաքացու «բնական» իրաւանց շարքը: 1789 թուի մեծ բարենորոգիչները սկսեցին իրանց գործունէութիւնը մարդու և քաղաքացու իրաւունքների հանդիսաւոր յայտարարութիւնը (դեկլարացիան) կազմելով, որը Ֆրանսիական առաջին սահմանադրութեան մի տեսակ նախարանն եղաւ:

Իրաւունքների այս դեկլարացիան բաղկացած է 17 յօդուածներից և մինչև այժմ էլ առաջաւոր դասի պահանջն է արտայայտում: Այդ պատճառով, աւելորդ չենք համարում առաջ բերել այս պատմական փաստաթուղթը, որն անգիր պիտի գիտենայ ամեն մի իսկական քաղաքացի, որի համար թանկ են իր մարդկային արժանապատուութիւնն ու ազատութիւնը: Ահա թէ ինչ է պատմւմ մարդու և քաղաքացու այս նշանաւոր դեկլարացիան:

Յօդ. 1. Մարդիկ ծնւում և մնում են ազատ և հաւասար իրաւունքներով: Նրանց մէջ հասա-

րակական դրութեան իմաստով տարբերութիւնը կարող է հիմք ունենալ այն դէպքում, երբ դա օգտակար է հասարակական բարեկեցութեան համար:

Յօդ. 2. Քաղաքական ամեն տեսակ միութիւնների նպատակն այն է, որ պահպանի և երբէք չկորցնի իրաւանց բնական նշանակութիւնը: Այդ իրաւունքներն են. ազատութիւն, սեպհականութիւն, ապահովութիւն և դիմադրութիւն հալածանքի:

Յօդ. 3. Ազգը սկզբնական աղբիւրն է ամեն տեսակ վերին իշխանութեան: Մարդկանց ոչ մի խումբ, ոչ մի մասնաւոր մարդ չի կարող իշխանութիւն ունենալ, եթէ սա չի բղխում ազգից:

Յօդ. 4. Ազատութիւնը կայանում է նրանում, որ ամեն մինը կարող է անել այն, ինչ որ չի ֆնասում միւսին: Իւրաքանչիւրի բնական իրաւունքից օգտուելը կարող է ճնշուել այն չափով, ինչ չափով այդպիսի օգտուելը չի խանգարում ուրիշին օգտուել իւր բնական իրաւունքներից: Միայն օրէնքով են սահմանւում այդ սահմանափակումները:

Յօդ. 5. Օրէնքը կարող է արգելել միայն այն գործողութիւնները, որոնք հասարակութեան ֆնաս են բերում: Այն բոլորը, ինչ որ օրէնքով չի արգելուած, չպիտի արգելքի հանդիպի իրագործման ժամանակ: Ոչ ոքի չպիտի հարկադրել անելու այն, ինչ որ չի հրամայւում օրէնքով:

Յօդ. 6. Օրէնքը ընդհանուրի կամքի արտայայտութիւնն է: Բոլոր քաղաքացիք իրաւունք

ունեն անձնապէս, կամ իրանց ներկայացուցիչ-
ների միջոցաւ մասնակցել օրէնքներ կազմելու
մէջ: Օրէնքը միատեսակ պիտի լինի ըլլորի
համար, լինի նա պաշտպանող թէ պատժող
օրէնք: Բոլոր քաղաքացիք հաւասար լինելով
օրէնքի առաջ, միատեսակ կարող են ստանալ
կոչումն, տեղ և հասարակական պաշտօն, իրանց
ընդունակութիւնների համեմատ և կարող են
գերադասուել միայն իրանց առաքինութիւնների
և տաղանդի շնորհիւ:

Յօդ. 7. Ոչ ոք չպիտի ձերբակալուի, մե-
ղադրուի կամ բանտարկուի այն դէպքերում, որ
որոշուած չեն օրէնքով և այն ձևով, որ չի հրա-
մայուած օրէնքով: Նա, ով ձգտում է, տալիս է,
կատարում է կամ ստիպում է կատարել կամա-
յականութեան վրա հիմնուած կարգադրութիւն-
ներ, ենթարկում է պատժի: Բայց ամեն մի
քաղաքացի, որ օրէնքի ուժով կանչուած կամ
ձերբակալուած է, պէտք է անմիջապէս հնազան-
դուի. ընդդիմութիւն ցոյց տալով նա դառնում է
յանցաւոր:

Յօդ. 8. Օրէնքը պիտի պատիժներ սահմանի
միայն խիստ և ակնյայտնի անհրաժեշտ: Ոչ ոք
չպիտի պատժի ենթարկուի առանց այն օրէնքի
ուժի, որ հաստատուած և յայտարարուած է
մինչև յանցագործութիւնը և գործադրուած է ըն-
դունուած կարգով:

Յօդ. 9. Որովհետև ամեն մի մարդ անմեղ է
ենթադրուած մինչև այն ըոպէս, երբ դատարանը
նրան մեղաւոր է յայտարարում, ուստի անհրա-

ժեշտարար նրա բանտարկութեան դէպքում օրէնքը պիտի հոգայ կատարելապէս խստութիւնները վերացնելու, որ անհրաժեշտութիւնից չի առաջանում, ապահովել նրա անձը դատարանի առաջ:

Յօդ. 10. Ոչ ոք չպիտի իր համոզմունքներէ համար ճնշուի, նոյն իսկ կրօնական, միայն եթէ այդ երևոյթը չի խախտում հասարակական կարգը, որ օրէնքով սահմանուած է:

Յօդ. 11. Մտքերի և կարծիքների ազատ փոխանակութիւնը կազմում է մարդու ամենաթանկագին իրաւունքներից մինը և ամեն մի քաղաքացի կարող է ազատ խօսել, գրել և տպագրել, միայն ի չարը գործ դնելու ժամանակ օրէնքով սահմանուած պատասխանատուութեան ենթարկուելու պայմանով:

Յօդ. 12. Մարդու և քաղաքացու իրաւունքները պաշտպանելու համար անհրաժեշտ է ղինեալ ուժ: Սակայն նա գոյութիւն ունի միայն ընդհանուր բարօրութեան համար, և ոչ այն մարդկանց մասնաւոր օգտի համար, որոնց յանձնուած է ղինւորական ուժի ղեկավարութիւնը:

Յօդ. 13. Չինեալ ուժ պահելու և պետութիւնը կառավարելու ծախսերի համար անխուսափելի է ընդհանուր տուրքը: Սա պիտի հաւասարապէս բաժանուած լինի բոլոր քաղաքացիների մէջ համեմատ իրանց կարողութեան:

Յօդ. 14. Բոլոր քաղաքացիներն իրաւունք ունեն անձնապէս կամ իրանց ներկայացուցիչների միջոցով որոշել պետական հարկի անհրաժեշտու-

թիւնը, աղատօրէն համաձայնել նրանց մասին, հետեւել նրանց ծախսերին և որոշել նրանց չափը, բաշխման եղանակը, ստանալու միջոցները և նրանց գործունէութեան ժամանակամիջոցը:

Յօդ. 15. Հասարակութիւնն իրաւունք ունի հաշիւ պահանջելու վարչութեան իւրաքանչիւր ներկայացուցչից:

Յօդ. 16. Այն հասարակութիւնները, ուր իրաւունքները չեն ապահովուած և չի սահմանուած իշխանութիւնների բաժանումն, սահմանադրական չեն:

Յօդ. 17. Որովհետև սեպհականութիւնն անքակտելի և սրբազան իրաւունք է, ուստի ոչ ոքի չի կարելի զրկել, բացի այն դէպքերից, երբ այդ պահանջում է ակնյայտնի հասարակական կարիքը, սահմանուած օրինական կարգով և այն՝ միայն արդար, նախապէս վարձատրութեան պայմանով:

V

Ազգային ժողովը նոր Ֆրանսիայի հիմք կազմող ընդհանուր սկզբունքները սահմանելուց յետոյ ձեռք առաւ ժողովի դէպի թագաւորն ունեցած յարաբերութեան հարցի քննութիւնը: Այս հարցի մասին կարծիքները տարբեր էին. մի քանիսն ասում էին՝ քանի որ ամեն մի իշխանութիւն ազգից է բղխում, ապա և օրէնքները պիտի երկրին թելադրուեն ամբողջ ազգի ներկայացուցիչների կողմից և չպիտի ենթարկուեն փոփոխութիւնների նոյն իսկ այն դէպքում, եթէ թագաւորը

չի հաւանում այդ օրէնքները: Ուրիշ խօսքով,
 այս տեսութիւնը պաշտպանողների կարծիքով,
 ժողովրդի կամքը պիտի բարձր կանգնի արքայա-
 կան կամքից և պարլամենտին, իբրև ժողովրդա-
 կան ներկայացուցիչներից կազմած մի հիմնար-
 կութեան, պիտի պատկանի գերագոյն իշխանու-
 թիւնը: Ուրիշներն ասում էին բոլորովին հակա-
 ոակը և կամենում էին թագաւորին թողնել արգելք
 դնելու իրաւունքը կամ ինչպէս ասում են «վետօ»
 դնել պարլամենտի այն որոշումների վրա, որոնք
 այս կամ այն պատճառով չեն դուր գալ թագա-
 ւորին: Թագաւորը, նրանց կարծիքով պիտի երկրի
 իսկական կառավարիչը լինի և երբ նա ժողովրդ-
 դական ներկայացուցիչների որևէ որոշումը չի
 հաւանիլ, այդ որոշումը օրինական ուժ չի կարող
 ունենալ: Այս երկու իրար ճնշող կարծիքների
 մէջ կանգնած էր և երրորդ կարծիքը, որն սկըզ-
 բունքով չհերքելով ժողովրդական ներկայացուց-
 չական հիմնարկութեան գերագոյն իրաւունքը,
 ցանկանում էր թագաւորին տալ իրաւունք առժա-
 մանակ կանգնեցնելու պարլամենտի որոշումները:
 Երբ թագաւորը հնարաւոր չի գտնում պարլա-
 մենտի այս կամ այն որոշումն հաւանել, նա
 իրաւունք ունի չվաւերացնել, բայց այն պայմա-
 նով, որ երբ ուրիշ ներկայացուցչական կազմով
 երկրորդ անգամ նոյն հարցը ընդունուի, թագա-
 ւորն ի վերջոյ պարտաւոր է զիջել և համաձայնել
 այն օրէնքին, որն որևէ պատճառով իր սրտին
 մօտիկ չէ: Ուրիշ խօսքով, թագաւորը կարող է
 միայն մի որոշ ժամանակ յետաձգել պարլամենտի

որոշումները, բայց երբ վերջինս, ունենալով ամբողջ ժողովրդի կամքը, յամառում է իր որոշումների վրա, թագաւորը պարտաւոր է զիջել:

Ազգային ժողովը երկար քննեց այս երեք կարծիքները և այն ժամանակ, երբ այստեղ կրքոտ ու տաք վիճում էին այս առթիւ, Պարիզն իր հերթին յուզւում էր և պահանջում, որ բոլոր որոշումները ելնեն միայն ժողովրդեան ներկայացուցիչներից և որ թագաւորն իրաւունք չունենայ նոյն իսկ ժամանակաւորապէս կանգնեցնել ժողովրդական ներկայացուցիչների ընդունած որոշումները:

Պատգամաւորի ամեն մի կտրուկ խօսքը, որ ասւում էր պարլամենտի որոշումները պահելու համար թագաւորին տրուելիք իրաւունքի դէմ, իսկոյն յայտնի էր լինում Պարիզում և ժողովուրդն ուրախութեամբ ընդունում էր այդպիսի խօսքերը: Պարիզում ամենքը զիտէին, որ պատգամաւոր Սիէյսը ժողովում յայտարարել է, որ թագաւորին ժողովի որոշումների վրա արգելք դնելու իրաւունք տալը հաւասարազօր է ամբողջ ազգը Բաստիլիայում փակելուն: Իսկ միւս պատգամաւոր Պետիօնն ասել էր, որ եթէ պարլամենտի որոշումներն առանց վաւերացնելու գործադրել չի կարելի, այն ժամանակ այդ վաւերացումը թող ամբողջ ժողովրդից լինի և ոչ կախուած լինի մի անձնաւորութիւնից: Ուրիշ խօսքով Պետիօնն առաջարկում էր այն, ինչ որ այժմ կոչւում է ընֆերենդում, այսինքն ժողովրդական ուղիղ ձայնատուութիւն:

Պետիօնի խօսքերի դէմ խիստ բողոքում է Բօրհասպիերը. նրա աչքում ազգային ժողովը ժողովրդի գերագոյն կամքն է և պարլամենտի որոշումներն երբէք չպիտի կարօտին որ և է մէկի հաւանութեան, միեւնոյն է այդ կլինի թագաւորի թէ ամբողջ ժողովրդի կողմից: Երկուսից մէկը, ասում է նա, կամ ժողովրդական ներկայացուցչութիւնն է գերագոյն դատաւոր և նրա բոլոր որոշումներն ունեն անմիջական օրինական ուժ, կամ պարլամենտն ամբողջ ազգ չի ներկայացնում, այն ժամանակ նա իրաւունք չունի որ և է որոշումն ընդունելու:

Երկար վիճարանութիւններից յետոյ ազգային ժողովն ընդունեց միջին որոշումն. թագաւորին վերապահուեց իրաւունք ազգային ժողովի որոշումները մի որոշ ժամանակ կանգնեցնել: Պարիզը խիստ դժգոհ մնաց ազգային ներկայացուցչական հաստատութեան այս վարմունքից, նրա մէջ տեսնելով կառավարութեան խարդաւանքները: Փողոցներում կազմուեցին աղմկալից ցոյցեր, հրապարակախօս Մարատը խօսում էր ազգային ժողովի մի քանի անդամների դաւաճանութեան մասին, չխնայելով նոյն իսկ Միրաբօին և պնդում էր, որ պալատական կուսակցութիւնն ուղղում է ոչնչացնել այն բարիքը, որ ժողովուրդն այս մի քանի ամսում ձեռք է բերել: Այս տրամադրութեան մէջ Պարիզում լուր տարածուեց թէ պալատում օտար զինւորները երգում են յետադէմ երգեր, սպառնում են Պարիզի ժողովրդին, պոկում են եռագոյն ճակատանիշերը (կօկարդա):

որ նոր Ֆրանսիայի արտայայտութիւնն էր և պարում են զանազան պալատական կանանց, նոյն իսկ թագուհու հետ, որ խմացնում է նրանց և տալիս է զանազան ընծաներ: Կայծակի արագութեամբ այս լուրը տարածուեց Պարիզի արուարձաններում և ժողովուրդն, որ ընդհանուր յուզումներէ շնորհիւ առանց այն էլ աղքատացել էր և կատաղած էր, վճռեց վրէժ առնել նրանցից, որոնք կամենում են խլել իրանցից ձեռք բերած ազատութիւնը:

Հոկտեմբերի 5-ին Պարիզը վճռեց դնալ այնտեղ, ուր նիստեր էր գումարում ազգային ժողովն և ապրում էր արքայական տունը, այսինքն՝ Վերսայլ¹⁾: Ինչո՞ւ համար էր ժողովուրդը գնում Վերսայլ, ոչ ոք չգիտէր և հաւանականաբար այս ճամբորդութիւն կազմակերպողներն էլ չգիտէին թէ ինչո՞ւ են այդ անում: Բայց ինչ էլ որ լինի, մի վայրկեանում ժողովուրդն ահագին բազմութիւն, ուր խիստ շատ կանայք կային և օրինակելի կարգապահութեամբ շարժուեցին Պարիզից Վերսայլ: Ամբոխին ուղեկցում էր ազգային գվարդիան իր հրամանատար Լաֆայետի գլխաւորութեամբ:

Ամբոխը չգիտէր իր անելիքը. մէկ նա երևում էր ազգային ժողովի նիստերի շինութեան մէջ, մէկ էլ շրջապատում էր արքունիքը: Ուշ գիշերը նոյն իսկ ամբոխի և թիկնապահ զօրքի մէջ

1) Վերսայլը գտնւում է Պարիզից դէպի հարաւ-արեւմուտք մօտաւորապէս 16 վերստի վրա. սա Ֆրանսիական թագաւորների աթոռանիստ քաղաքն էր: Ծ. Թ.

տեղի ունեցաւ փոքրիկ արիւնահեղ ընդհարում. վերջապէս ամբոխն սկսեց դուրս կանչել թագաւորին և թագուհուն: Քիչ վարանումից յետոյ արքայական ընտանիքն երևաց պատշգամբում, ամբոխը ուրախական աղաղակներով դիմաւորեց Լիւզովիկոսին և նրա ամուսնուն և սկսեց կանչել. «Արքայական ընտանիքի հետ միասին գնանք Պարիզ»: Թագաւորն այդ էլ զիջեց և հոկտեմբերի 6-ից Լիւզովիկոսը վերջնականապէս փոխադրուեց ընտանիքով Պարիզ: Մի քանի ժամանակից յետոյ նրան հետևեց և ազգային ժողովը: Ժողովուրդն ըստ երևոյթին ցանկանում էր, որ թագաւորը միշտ գտնուի «ժողովրդի շրջանում», որ ժողովրդի թշնամիները չկարողանան նրա վրա ազդել և որպէս զի նա կարողանայ միշտ յենուել հաւատարիմ պարիզցիների վրա: Մի խօսքով Լիւզովիկոսի Պարիզ փոխադրուելն անորոշ բնաւորութիւն էր կրում: Ինչ էլ լինի, ազգային ժողովի ներկայութիւնը Պարիզում յեղափոխութեան համար խիստ լուրջ նշանակութիւն ունեցաւ. ժողովրդական ներկայացուցիչների և ժողովրդի մէջ սկսուեց անմիջապէս շփումն, որը, Պարիզի անգաբնակութեան յեղափոխական բնաւորութեան շնորհիւ, ժողովին աւելի համարձակութիւն, աւելի հետևողականութիւն և վերջապէս աւելի յեղափոխական գոյն տուեց:

VI

Հոկտեմբերի 5—6-ի ցոյցը մի առժամանակ

ընդհատեց ազգային ժողովի զբաղմունքները. նա, արքայական իշխանութեան դէպի պարլամենտի ընդունած օրէնքն ունեցած յարարերութեան խընդիրը սահմանելուց յետոյ, անցաւ այն հարցի քըննութեան՝ թէ իսկապէս ո՞վ է կազմում ազգ, ժողովուրդ, այսինքն ո՞ւմ պիտի իրաւունք տրուի պատգամաւոր ուղարկել պարլամենտ: Ամենից պարզ և արդար կլինէր յայտարարել, որ ամեն մի ֆրանսիացի՝ չափահասութեան հասած և ոչնչով չսահմանափակուած՝ իրաւունք ունի ձայն տալ այս կամ այն մարդուն, որին կամենում է պարլամենտ ուղարկել, ուրիշ խօսքով, լաւ կլինէր ֆրանսիական ժողովրդին տալ բնդհանուր բնօրական իրաւունք: Մի քանիսն ասում էին, որ ամբողջ ֆրանսիական ժողովրդին տալ ժողովրդական ներկայացուցիչներ ընտրելու իրաւունք, ժողովրդի մեծամասնութեան խաւարի և տգիտութեան շնորհիւ կարող էր խիստ տխուր հետևանքներ ունենալ, նոյն իսկ այնպիսի, որից կարող էր տուժել Ֆրանսիայի վերանորոգչական գործը. ուրիշները դրանից չէին վախենում, բայց պնդում էին, որ չունևորներին չի կարելի ընտրական իրաւունք տալ, որովհետև չունևորը չի կարող պաշտպանել այն պետութեան շահերը, ուր նրան ոչինչ չի պատկանում: Մինչև անգամ ասում էին, ով որքան հարուստ է, այնքան աւելի քաղաքական իրաւունք պիտի ունենայ և որ հայրենիքը միայն պատկանում է նրանց, որոնք այնտեղ հող կամ այլ հարստութիւն ունեն: Չունևորը ոչինչ չունենալով չի կարող որևէ բան գնահատել, նա կապուած չէ այն երկրի հետ, ուր ծնուել է և

կարող է գնալ այնտեղ, ուր աւելի հաց կայ, ահա թէ ինչու նա հայրենասէր չէ և չի կարող պարտաւնասական ընտրութեան ժամանակ ձայնի իրաւունք ունենալ: Սակայն չպիտի կարծել որ 1789 թուի սահմանադիր ժողովում չկային ընդհանուր ձայնատուութեան իրաւունք պաշտպանողներ. ոչ, այդպիսիները կային և նրանց մէջ առաջին տեղը բռնում էր Բօբիսպիերը, բայց նրանց ձայնը մեծ նշանակութիւն չունէր մասամբ նրա համար, որ ընդհանուր ընտրական իրաւունքի պաշտպանները կասկածում էին նրա անմիջական գործադրութեան օգտակարութեան մէջ այն ժամանակուայ Ֆրանսիայում, որ հին արտօնեալ դասակարգերի վատթար կառավարութեան շնորհիւ խիստ խաւար և անկիրթ էր: Ահա թէ ինչու սահմանադիր ժողովը մերժեց ընդհանուր ձայնատուութեան իրաւունքն և յայտարարեց հետևեալ ընտրական օրէնքը:

Բոլոր Ֆրանսիական քաղաքացիք բաժանուում են երկու մասի—ներգործական քաղաքացիներ և կրաւորական: Միայն ներգործական քաղաքացիներն իրաւունք ունեն պարլամենտի համար ներկայացուցիչներ ընտրելու և օգտուում են քաղաքական իրաւունքներով: Որպէս զի մէկը ներգործական քաղաքացի լինի, այսինքն ձայնի իրաւունք ունենայ, պիտի լինի 25 տարեկան, լինի Ֆրանսիացի, բնակչութիւն ունենայ մի տեղում գոնէ մի տարի, վճարի ուղիղ հարկ երեք օրեայ աշխատանաց վարձի հաւասար և վարձու ծառայի դրութեան մէջ չլինի:

Այդպիսի ներգործական քաղաքացիները կազմում էին սկզբնական խմբակցութիւններ, որոնք ուղղակի պարլամենտի պատգամաւոր չէին ընտրում, այլ ընտրում էին միայն ընտրողներ (պատուիրակ) այնպէս, որ իւրաքանչիւր 150 ներգործական քաղաքացուն գալիս էր մի պատուիրակ: Այս պատուիրակներն իրանց միջից ընտրում էին արգէն իսկական ժողովրդական պատգամաւորներին: Ընտրական այսպիսի ձևը, երբ ժողովուրդն իր ներկայացուցիչներին ընտրում է ոչ ուղղուկի, այլ պատուիրակների միջոցաւ, յեղաշրջում է ժողովրդի իսկական կամքը, որովհետև պատուիրակները միշտ չեն համապատասխանում ժողովրդի իսկական շահերին:

Եթէ մենք կամենանք բնորոշել 1789 թուի սահմանադիր ժողովի մշակած ընտրական օրէնքը, պիտի ասենք, որ նա շատ կողմերով անարդար էր. նախ՝ ընտրական իրաւունքը տալով միայն ներգործական քաղաքացիներին, նա մեկուսացրեց բոլորովին այն մարդկանց, որոնք երեք օրեայ աշատանաց վարձի չափով (մօտ 4 ուրլի) ուղիղ հարկ չէին վճարում և որոշ բնակավայր չունէին և դրանով մտցրեց այն, ինչ որ այժմ մենք ասում ենք կարողութեան ցենզ, որ անհրաժեշտ է ընտրական իրաւունք ձեռք բերելու համար, և երկրորդ՝ ներգործական քաղաքացիների ու ժողովրդական ներկայացուցիչներին մէջ դնելով, այսպէս կոչուած, պատուիրակներին, ընտրութիւնները դարձրեց ոչ ուղղակի, այլ կողմնակի և դրանով ժողովրդական ներկայացուցիչներին զրո-

կեց իր իսկական բնաւորութիւնից: Այս երկու սահմանափակումները դժգոհութիւն յարուցին հասարակութեան ռամկավարական մասի մէջ և հրապարակախօս Մտրատը վրդովուեց, որ «Բաստիլիան գրաւող ժողովրդին մերժում են ընտրական իրաւունք տալ: Այն ժամանակ ի հարկէ հերոսներին չէին հարցնում՝ արդեօք նրանք ներգործական թէ՞ կրաւորական քաղաքացիներ են: Երբ գնում են դէպի մահ, ոչ ոք չի առարկում, իսկ այժմ երբ պիտի գնան ընտրելու, ասում են՝ դուք դեռ անգրագէտ էք, դուք բաւական կարողութիւն չունէք, դուք ընտրութիւնների համար հասունացած չէք: Միթէ Բաստիլիան կործանող ժողովուրդն ընդունակ չէ գնահատել նրան, ով արժանի է Ազգային ժողովին անդամ լինելու և ով արժանի չէ այդ պատուին»:

Ընտրական օրէնքը, որ մտցրեց կարողութեան ցենզ և սահմանեց կողմնակի ընտրութիւններ, տարածուեց ոչ միայն գլխաւոր կենդրոնական ներկայացուցչական հիմնարկութեան ընտրութիւնների վրա, այլ և բոլոր տեղական հիմնարկութիւնների վրա: Ամեն տեղ գիւղերում, գաւառներում, քաղաքներում սահմանուեց նոյն սկզբունքը. նոյն իսկ քաղաքային միլիցիան կազմուեց այդ ձևով, որի մէջ հետևաբար ընդունուում էին միայն այն անձինք, որոնք քիչ թէ շատ կարողաւոր էին: Քաղաքական իրաւունքների այսպիսի բացառիկ շնորհները միայն կարողաւոր դասակարգին տալն իրաւունք տուեց պատմաբաններին 1789 թուի յեղափոխութիւնն անուանել

բուրժուական յեղափոխութիւն, որից ամենից շատ օգտուեց առևտրա-արդիւնաբերող դասը: Մինչև 1789 թիւը նա գիւղացիների և բանւորների հետ հալածուած գրութեան մէջ էր, պետութեան մէջ նշանակութիւն ունէին միայն ազնուականութիւնն ու հոգևորականութիւնը. այժմ այս երկու դասակարգերը զիջեցին իրանց տեղը առևտրա-արդիւնաբերող դասակարգին, որը տէր գարձաւ պետութեան մէջ:

Սակայն այս փոփոխութիւնից շահուեցին և գիւղացիք և բանւորները. նախ և առաջ ոչնչացաւ ճորտութիւնը, գիւղացին դարձաւ ազատ մարդ, կարող էր լինել սեպհականատէր և իր կալուածատիրոջ ստրուկը չլինել. յետոյ, անհատի և քաղաքացու իրաւանց ղեկլարացիան, որ բոլոր Ֆրանսիացիներին հաւասարեց օրէնքի առաջ, մտցրեց արդարութեան սկզբունքն այն երկրի պետական կազմի մէջ, որը քիչ առաջ կամայականութեան և ապօրինութեան մարմնացումն էր: Բացի դրանից, խօսքի և մամուլի ազատութեան յայտարարութիւնն ամբողջ հասարակութեան ձեռքը տուեց այնպիսի զէնք, որի օգնութեամբ հեշտ կարելի էր կռուել կառավութեան զեղծումների դէմ: Գուցէ գիւղացիք և բանւորները քիչ էին օգտուում իրանց թշնամիների դէմ կռուի ժամանակ այս անգին զէնքից, որովհետև չէին կարողանում դրել և լաւ խօսել, բայց և այնպէս խօսքի և մամուլի ազատութիւնը հիանալի ապահովութիւն էր բարձրից եկած ճնշումների դէմ: Վերջապէս չպիտի մոռանալ, որ սահմանադիր ժողովն իր

ձեռքն առաւ ժողովրդական կրթութեան գործը, որ
 իր սրբազան պարտքը համարեց ուսում տարածել
 խաւար մարդկանց շրջանում: Երբ մի անգամ գիւ-
 ղական բազմութիւնն սկսեց ուսանել, այն ժամա-
 նակ մօտիկ ապագայում խօսքի և մամուլի ազատու-
 թիւնը կարող է նրան լաւ ծառայութիւն մատուցա-
 նել: Այս բոլորին պիտի աւելացնել, որ իրաւանց
 դեկլարացիան ժողովրդին տուեց և՛ կրօնական ա-
 զատութիւն. ամեն ոք կարող էր հաւատալ ինչպէս
 կամենար և դրա համար ոչ ոք չէր հալածուիլ: Եւ
 պատիժներն էլ յանցագործութեան համար բաւա-
 կան թեթեւ էին, էլ չասենք այն, որ դեկլարացիայի
 համաձայն անկարելի էր մէկին կամայականօրէն
 բանտարկել: Վարչական պատիժները, որ ամե-
 նաանարդարն էին, որովհետեւ ըստ հայեցողութեան
 էին կատարւում և ոչ ըստ օրինի, մարդու իրա-
 ւանց դեկլարացիայով ոչնչացուեցին և բացի
 դատաստանական իշխանութիւնից, ոչ ոք չէր կա-
 րող մէկին պատասխանատուութեան ենթարկել:
 Այս բոլորը հարկադրում է մեզ մեծ համակրու-
 թեամբ խօսել 1789 թուի յեղափոխութեան մասին,
 չնայելով որ այս յեղափոխութեան հիմքը դրուած
 էր բուրժուական սկզբունքների վրա, այսինքն այն
 սկզբունքների, որոնք ասում էին թէ՛ միայն որոշ
 կարողաւորներն է պատկանում պետական գոր-
 ծերին մասնակցելու և կառավարելու իրաւունքը:

VII

Հին Ֆրանսիայի ամենամեծ ապօրինութիւն-
 ներից մինը հարկերի չափազանց անարդար բա-

ժանու մն էր. այն ժամանակ, երբ ազնուականու-
թիւնն ու հոգևորականութիւնը ոչինչ չէին տալիս,
քաղաքացիներէց ու գիւղացիներէց բազկացած
երրորդ դասակարգն իր ուսերի վրա էր տանում
պետական ահագին ծախքը, որ հասնում էր 400
միլլիօն ֆրանկի: Եւ հարկերի բաշխման անար-
դարութիւնն էլ աւելի մեծանում էր նրանով, որ
համարեա պետական բոլոր ծախքերը գնում էին
յօզուտ արտօնեալ դասակարգերի: Նախ և առաջ
իրբն կենսաթոշակ տրւում էր 32 միլլիօն ֆրանկ
զանազան ազնուականներին, որոնց նախնիքներն
իրբ թէ ֆրանսիական կառավարութեան որ և է
ժառայութիւն էին մատուցել. յետոյ 25 միլլիօնից
աւելի ծախսում էր արքայական տունը զանազան
ընդունելութիւնների համար, որոնք մարդկանց
միանգամայն անպէտք էին, վերջապէս զօրքը
կլանում էր համարեա 100 միլլիօն: Եթէ այստեղ
աւելացնենք զանազան աստիճանաւորների, որոնք
ստանում էին մեծ ուճիկներ և պատկանում էին
ազնուական դասին, ապա մեզ համար պարզ
կլինի, որ հին ֆրանսիայում երկու բարձր դա-
սակարգերն ապրում էին ի հաշիւ ժողովրդեան.
վերջինս վճարում, աշխատում և տանջւում էր,
խիչ վերին դասակարգերն անգործ նստելով օգ-
տւում էին ժողովրդեան քրտինքով ձեռք բերած
հարստութիւնից, քէֆ էին անում և ապրում էին
խիստ լայն շափերով: Եւ այս բանում հոգևորա-
կանութեան և ազնուականութեան մէջ տարբե-
րութիւն չկար. թէ մէկ և թէ միւս դասակարգը
միատեսակ հարուստ էր, թէ մէկ և թէ միւս դա-

սակարգը ժողովրդական փողերը ջուրն էր դցում,
 թէ մէկ և թէ միւս դասակարգը քամում էր ժողո-
 վրդի հիւթը նրա համար, որ շոայլօրէն ապրի և
 բաւականութիւն տայ իր քմահաճոյքներին: Զուար-
 ճութեան հետամուտ լինելն այն ժամանակ ար-
 տօնեալ դասակարգերի մէջ այնքան մեծ էր, որ
 նրանք ահագին հարստութիւնն էլ աննշան և
 անբաւական էին համարում և ազնուականները
 հոգևորականների հետ միասին ամեն կերպ աշ-
 խատում էին կողոպտել գանձարանը, իսկ վերջինս
 սիրով ընդառաջ գնալով վերին դասակարգերի ա-
 գահ ախորժակին, աւելի ու աւելի սնանկանում էր:
 Ամբողջ հասարակութիւնը ձգտում էր դառնալ
 ազնուական կամ հոգևորական, որովհետև միայն
 այն ժամանակ կարելի էր հարստանալ և ապրել
 ուրիշի հաշուով: Բոլոր հարուստ վաճառականներն
 ու գործարանատէրերը դրամով գնում էին ազնուա-
 կան տիաղոսն և դրանով միանգամ ընդ միշտ ա-
 դաւում էին ծանր հարկերից: Պետութիւնը սիրով
 «հասարակ մահկանացուներին» փողի համար բար-
 ձրացնում էր ազնուական կոչման. բայց որքան շատ
 էին անցնում երրորդ դասակարգից դէպի վերին
 խաւերը, այնքան նրա դրութիւնն աւելի ու աւելի
 վատանում էր. հարկերի բեռը ընկնում էր քիչ թւով
 մարդկանց վրա, ուստի և աւելի խիտ էր դգացում
 նրա ծանրութիւնը: Ոչ միայն աւանձին անհատներն
 էին գնում իրանց համար նուազ հարկ տալու արտօ-
 նութիւնն, այլ և ամբողջ քաղաքներ: Այսպէս օրի-
 նակ՝ Հաւր քաղաքը բոլորովին չէր վճարում որոշ
 հարկ, իսկ Բօվէ քաղաքը վճարում էր 1 լիւր

խրաքանչիւր բնակչի համար, փոխանակ $3\frac{1}{2}$ ի:

Այսպիսի քաղաքականութիւնը վատ էր ազդում պետութեան ֆինանսներէ վրա, և դարձանալու ոչինչ չկայ, որ ամեն տարի Ֆրանսիական կառավարութիւնն ստիպուած էր խոսաւիանուել, որ նրա ծախքերը գերակշռում են եկամտին: Պատգամաւորներէ հրաւէրի նախօրեկէին ամենքը միաբերան ստում էին, որ պետութեանն սպասում է ֆինանսական սնանկութիւն. ֆինանսական կատարեալ սնանկութիւնն ու քայքայումն իսկապէս պատճառ եղաւ 1789 թուին ժողովրդական ներկայացուցիչներ հրաւիրելու: Երբ Լիւզովիկոս XVI-ը համաձայնեց երեք դասակարգերից պատգամաւորներ հրաւիրել, նա հրովարտակն ստորագրեց միայն նրա համար, որ ֆինանսներէ նախադար նեկէկերն ասաց, թէ առանց ժողովրդի օգնութեան պետութիւնը հարկադրուած կլինի սնանկանալ: Ազգային ժողովը, կամ ինչպէս առաջ անուանում էին նրան՝ գերագոյն ատեանը, հրաւիրուեց ՚ին Ֆրանսիայի ֆինանսական դրութիւնը շտկելու համար, ըայց երրորդ դասակարգի ներկայացուցիչները լաւ էին հասկանում, որ պետութեան ֆինանսները կարելի է ազանովել այն ժամանակ, երբ նախապէս կփոխուի հնացած Ֆրանսիայի կազմը, ահա թէ ինչու նրանք իրանց գործունէութիւնն սկսեցին անհատի և քաղաքացու դեկարացիայով և առհասարակ ընդհանուր սկզբրոնքներով: Միայն այժմ, երբ հին Ֆրանսիական պետական կազմն իր անարդար արածութիւննորով ոչնչացաւ, կարելի էր լրջօրէն ձեռնարկել

պետութեան մէջ ֆինանսական հաւասարակշռութիւն հաստատելուն և սահմանելուն:

Իսկապէս ասած օգոստոսի 4-ի գիշերը, երբ հոգևորականութիւնն ու ազնուականութիւնը հրաժարուեցին իրանց արտօնութիւններէց և ի միջի ալլոց պետութեան որոշ տուրք չտալու արտօնութիւնից, այդ գիշերը, ասում ենք, արդէն մի բան արուած էր ֆինանսական գրութեան լաւացնելու իմաստով. ի հարկէ, երբ հոգևորականութիւնն ու ազնուականութիւնը յօգուտ պետութեան սահմանուած հարկերը տային, զանձարանի մուտքը դրանով կաւելանար, հետևաբար պետութեանը չէր սպառնալ սնանկութիւն կամ քայքայում: Այդ կարծիքին էին և արտօնեալ դատաւարները. նրանք կարծում էին, որ օգոստոսի 4-ին իրանց արած զոհաբերութիւնից» յետոյ էլ ոչինչ չեն պահանջիլ իրանցից, և որ նրանք արդէն հանգիստ կլինեն իրանց նիւթական գրութեամբ: Բայց երբորդ դատաւարգի ներկայացուցիչներն ազգպէս չէին մտածում: Նրանք տեսնում էին, որ պետութեան ֆինանսները այնպիսի քայքայման էին հասել, որ խիստ կարական միջոցներ էին հարկաւոր ֆրանսիայի ֆինանսական գործերը կարգի դնելու համար և որ արտօնեալ դատաւարգերի «ազնիւ զոհաբերութիւնը» քիչ կօգնի արդէն անկման հասած պետական զանձարանին: Բայց ի՞նչ միջոցներ պիտի մտածել, որ ինչպէս Միբաբօն էր ասում, կալելի լինէր հեռացնել սնանկութեան ուրուականը:

Հոգևորականութիւնն այն ժամանակ շատ հարուստ էր. նրան էր պատկանում ֆրանսիական

հողի համարեա $\frac{1}{5}$ մասը, բայցի զբանից կաթո-
լիկական եկեղեցիներն ու վանքերն ունէին ան-
հաշիւ թանկագին իրեր և հարստութիւններու
Հոգևորականութեան կարծիքով այս բոլորը կազ-
մում էին կաթոլիկական եկեղեցու սեպհականու-
թիւնը. այդ հարստութիւնները մեծ մասամբ
ստացուել էին այս կամ այն թողութիւն ստացած
մեղսապարաններից կամ հանգուցեալներից, որոնք
ցանկացել էին կտակել իրանց կարողութիւնը
եկեղեցուն: «Քա սրբազան սեպհականութիւն է—
ասում էին հոգևորականութեան ներկայացուցիչ-
ները—և մենք ոչ ոքի թոյլ չենք տալ որ և է
հարուած հասցնել նրան. չէ՞ որ մարդու իրաւանց
դեկլարացիան սեպհականութիւնը սրբազան է
համարում, որ պիտի ապահովուի»: «Այո, պա-
տասխանում էին երրորդ դասակարգի ներկայա-
ցուցիչները—սեպհականութիւնը սուրբ է, բայց
դուք չէք յայտնում աշխարհէ, դուք զրկուած էք
սերունդ ունենալուց, հետեաբար և պիտի զրկուէք
ժառանգութիւնից. եկեղեցու հարստութիւնն
ազգինն է և դուք միայն իրաւունք ունէք ժա-
մանակաւորապէս օգտուելու: Մինչև այժմ ձեզ
տալիս էին հող կամ իրեր, իսկ այսուհետև դուք
կստանաք ոռճիկ նման մնացած բոլոր պաշտօն-
նեաների»: Ազգային ժողովի հայեցակէտն այսպէս
էր հոգևորականութեան կարողութեան մասին:
Քահանաները, եպիսկոպոսներն ու արքեպիսկո-
պոսները կարող էին պետութիւնից ոռճիկ ստա-
նալ, իսկ նրանց հողը դառնալու էր պետութեան
սեպհականութիւն:

Ինքն ըստ ինքեան հասկանալի է, որ հոգևորականութիւնն ազգային ժողովի այդպիսի որոշումից խիստ դժգոհ մնաց և բոլոր միջոցներով սկսեց կռիւ մղել «կրօն խախտողների» դէմ: Ժողովրդական մութ մասսաների մէջ տարածուեցին բրօշուրներ և կոչեր, որ դրել էին հոգևոր կոչումն ունեցող անձինք, ուր ապացուցանում էին, որ ազգային ժողովը հոգևորականութեան զրկելով հողից և դրա փոխարէն սովորական ոռճիկ սահմանելով, խախտում է կաթոլիկական կրօնը, կամենում է արմատախիլ անել կրօնական զգացմունքն ժողովրդի միջից, փակել բոլոր եկեղեցիները և ամբողջ Յրանսիան դարձնել անաստուած երկիր: Մինչ դեռ սահմանադիր ժողովը հանգիստ շարունակում էր իր աշխատանքը:

Եթէ հոգևորականները ներկայանում են իրրև որոշ հիմնարկութեան ծառայողներ, ուրեմն պիտի երդումն տան հաւատարմութեան նոր սահմանադրութեան, Յրանսիայի պետական նոր կազմին: «Կողոպտուած» հոգևորականութիւնը սկզբում չէր կամենում երդուել «անաստուած» սահմանադիր ժողովին. հոգևորականութեան մէջ սկսուեց պառաքտումն, ոմանք երդման կողմնակից էին, միւսները՝ հակառակ. ազգային ժողովն սկսեց հալածել նրանց, որոնք հրաժարուում էին երդուել: Ի պատասխան այս հալածանքի, աւելի ուժգին գրգռումն սկսուեց հոգևորականութեան կողմից սահմանադիր ժողովի դէմ և ազնուականութիւնը պաշտպանում էր հոգևորականութեան, զգալով, որ հասել է իրանց այնքան ազատ և լայն կեանքի:

վերջը: Վերին երկու դասակարգերի կողմնակից էր և թագաւորը, որ դժգոհ էր նրանով, որ ազգային ժողովը սահմանել էր մշտական և հաստատուն վերահսկողութիւն բոլոր պետական գործերի վրա և յայտարարել էր ժողովրդի զերագահութիւնը, զրկելով թագաւորին իւր անսահման իշխանութիւնից: Թագաւորը վերին երկու դասակարգերի հետ սկսեց մաքառել ազգային ժողովի դէմ. արտօնեալներից շատերը, դբանց թուում և թագաւորի եզրայրները զնացին արտասահման օտար միապետների հետ բանակցելու, թէ արգեօք հնար չկայ ուժով Ֆրանսիային ստիպել յետ դնալ և հրաժարուել այն բոլորից, ինչ որ արել էր սահմանադիր ժողովը: Եւ այս ոճրագործ մտադրութեանը—դիմել օտարերկրեայ ուժի—Լիւդովիկոս XVI թագաւորն էլ համամիտ էր:

Ֆրանսիայի «հայրենասէրները» իրանց ամենալաւ քաղաքացիների ուսի վրայից ձեռք էին մեկնում աւստրիական և պրուսսական զինւորներին, որ նրանք զան և փրկեն Ֆրանսիան ֆրանսիական ժողովրդական ներկայացուցչական հիմնարկութիւնից: Մրանից յետոյ ի՞նչ կայ զարմանալու, որ Ֆրանսիան, 1789 թուին այնքան անձնուէր լինելով իր Լիւդովիկոս XVI-ին, երեք տարուց յետոյ հասարակապետութիւն յայտարարէր և ազգային ժողովի որոշմամբ համաձայնէր մահուան դատապարտել նրան, ով փոխանակ պաշտպանելու երկիրը, ֆրանսիական սահմանների մօտ էր կանչում օտարերկրեայ զօրքերին:

Հողևորականութիւնից խլուած հողերը դարձան ազգային և սահմանադիր ժողովը վճռեց մաս մաս վաճառել մանր գիւղացիների, սակաւահող մարդկանց վրա: Այս միջոցով նախ՝ ժողովը ժողովրդական և սիրելի դարձաւ և երկրորդ՝ միանգամից շտկեց քայքայեալ Ֆինանսական դրութիւնը: Ինքն ըստ ինքեան հասկանալի է, որ եկեղեցական հողի վաճառումն, որ ինչպէս ասացինք, համարեա ամբողջ Ֆրանսիայի ¹/₃ մասն էր կազմում, չէր կարող մի քանի օրում կատարուել և այդպէս արագ վաճառումն ազգային ժողովին ամենեկին շահաւէտ չէր, որովհետև խոշոր հողամասերի վաճառումը կիջնցնէր հողի արժէքը: Ահա թէ ինչու ազգային ժողովն որոշեց բաց թողնել առանձին անդորրագրեր, որոնք կոչուեցին թրղթադրամներ (ասիգնացիա) և որոնք փոխարինեցին իսկական դրամին: Այս անդորրագրերն ապահովուած էին ազգային հողով, որ ստացել էին հողևորականութիւնից և ժողովը գանձարան մտած հողարժէքի չափով ոչնչացնում էր յիշեալ անդորրագրերից և փոխարինում էր հնչիւն փողով: Այսպիսով փող կար դեռ հողը չծախուած. ճիշդ է, դրանք թղթէ փողեր էին, բայց ամենքն էլ դիտէին, որ փոխարկուելու էին հնչիւն դրամով, երբ ազգային ժողովը կվաճառի հողևորականութիւնից խլուած հողը, իսկ որ ժողովը կվաճառի այդ հողը, ոչ ոքի համար հարց չէր. և թղթադրամներն անցնում էին ոսկեդրամին հաւասար,

առանց որ եւ է մէկի մէջ արժէքի մասին կասկած
յարուցանելու:

Եթէ սահմանադիր ժողովի մէջ մարմնացած
կառավարութիւնն այդ ճանապարհով միանգամից
ստքի կանգնեցրեց Ֆրանսիական Ֆինանսները,
միւս կողմից էլ կապեց իր հետ ամբողջ մանր
գիւղացիութիւնը: Այդ օրէց Ֆրանսիական գիւղա-
ցին դարձաւ յեղափոխական և նրան եթէ հարցնէիր
ինչո՞ւ համար է 1789 թուի բարեփոխութիւնը գնա-
հատում, նա կպատասխանէր. «Նա տուեց ինձ ազա-
տութիւն, նա տուեց ինձ հող»: Ոչ մի մութ ուժ
չի կարող գիւղացուն կտրել 1789 թուականից, և
իր հարատւութիւնից զրկուած կաթովիկ հոգևորա-
կանութիւնը յեղափոխութիւնից կյաղթուէր հէնց
նրա համար, որ գիւղացիական մասսան բացարձակ
կյայտարարէր հոգևորականութեան ներկայացու-
ցիչներին՝ ի՞նչպէս կարող ենք ձեր յետևից գալ
ընդդէմ յեղափոխականների, երբ զիտենք, որ
վերջինների «ոճրագործութիւնը» կայանում է
միայն նրանում, որ նրանք ձեր հողը մեզ են
տալիս. . . Ի հարկէ, տեղ տեղ, մանաւանդ Վանդէի
գաւառում, գտնուեցին այնպիսի գիւղացիներ,
որոնք հոգևորական բանակի ճարպիկ գրգռիչների
շնորհիւ ապստամբեցին աղգային ժողովի դէմ
այն պատճառով, որ կամենում էր նրանց բարիք
անել. բայց գիւղացիութեան այս տգէտ մասը
խեղդուեց ընդհանուր հրճուող գիւղացիների մէջ,
որոնք ուրախանում էին հոգևոր հողի մանր
սեպհականատէրերին վաճառելու առիթով: Այդ
ժամանակից Ֆրանսիան դարձաւ մանր ազատ

գիւղացիութեան երկիր, դրանով էլ բացատրուում է 19-րդ դարում Յրանսիայում տեղի ունեցած շատ տխուր դէպքեր, որ այստեղ չենք շօշափելու:

Հոգևորականութեանը զրկելով հարստութիւնից, սահմանադիր ժողովն որոշեց, որ պիտի հոգևորականութեան վրա նայել ինչպէս ծառայող դասակարգի վրա, ուստի սահմանեց խիստ կանոններ նրանց վերաբերմամբ: Վերջինս ըստ ամենայնի պարտաւոր էր ենթարկուել քաղաքական իշխանութեան և ոչ թէ Հռովմի պապին. նա պիտի երդուէր նոր սահմանադրութեան, և բոլոր քահանաներն ու եպիսկոպոսները չէին նշանակուելու հոգևոր բարձր իշխանութիւնից, այլ ընտրուելու էին ժողովրդից նոյն ձևով, ինչ ձևով ընտրուում էին պետական ներկայացուցչական հաստատութեան պատգամաւորները: Բացի դրանից, քահանաների թիւը համապատասխանուելու էր Յրանսիայի վարչական բաժանման և հոգևորականութեան վերաբերութեամբ գործադրուեց նոյն հողասահմանային (տերիտորիալ) սկզբունքը, ինչ որ միւս հաստատութիւնների վերաբերմամբ: Նախկին 134 թեմերը փոխարինուեցին 83-ով, այսինքն այնքանով, որքան նահանգ (դեպարտամենտ) կար նոր Յրանսիայում: Հոգևոր կեանքի ներքին գործերում ազգային ժողովի խառնուրդն աւելի տուեց խօսելու, որ ժողովը կամենում է Յրանսիայում ոչնչացնել կաթոլիկ կրօնը և այն եպիսկոպոսները, որոնք դժուարանում էին հողը խլելու համար սահմանադիր ժողովի դէմ դուրս գալ, այժմ արդէն աւելի

ունէին խօսելու յեղափոխականների «անաստուածաքաղաքականութեան մասին: Հին հոգևորականութեան կազմակերպութեան պահպանութեան գրօշակի տակ միացան նրանք, որոնք խոր հոգևով վրդովուած հին սահմանադիր ժողովի «աւազակային» քաղաքականութիւնից և այս գրօշակի տակ մտան նոյնպէս այն գիւղացիները, որոնք կարծում էին թէ քահանաների ընտրութիւնը կտանի դէպի կրօնական անկումն:

Յեղափոխութեան թշնամիները յարմար առիթ գտան ապստամբութեան գրօշակ բարձրացնելու սահմանադիր ժողովի դէմ: Հոգևորականութեան վարմունքը խրախուսում էր և Լիւդովիկոս XVI թագաւորը, որն անկեղծ կերպով կարծում էր թէ 1789 թուի գործիչները մահափորձ են անում կաթոլիկ կրօնի դէմ: Քանի որ թագաւորը հոգևորականութեան կողմնակից էր, վերջինս ուժ զգաց և ազնուականութեան հետ որոշեց ճնշել յեղափոխութիւնը: Բայց ի՞նչպէս անել: Երկիրն ընդհանրապէս համակրում էր յեղափոխական գործիչներին և նրանց օգնութեան վրա յոյս դնել չէր կարելի: Օտար պետութիւնները չցանկանալով իրանց չվերաբերեալ գործին խառնուել, բաւականացան միայն խորհուրդներ տալով և իրանց զօրքերը չշարժեցին դէպի Ֆրանսիական սահմանները: Մնում էր միայն մի միջոցայն է, պիտի թագաւորը փախչէր արտասահման, այնտեղ իրեն հաւատարիմ մնացած զինւորներից և օտար ազգի վարձու զինւորներից զօրեղ բանակ կազմէր և սրա օգնութեամբ խեղդէր յե-

դափովսական հոսանքը, որ բռնել էր Ֆրանսիական
 ժողովրդի մեծ մասին: Այսպէս ծնունդ առաւ
 Ֆրանսիական թագաւորի փախստեան ծրագիրը:
 Այս փախուստը մտածելով, թագաւորն ամեն
 կերպ ծածկում էր թէ սահմանադիր ժողովից և
 թէ ժողովրդից. 1790 թուի յուլիսի 14-ին, երբ
 ամբողջ Ֆրանսիական ժողովուրդը տօնում էր
 Բաստիլիայի առման տարեդարձը, Լիւզովիկոսը
 հանդիսաւորապէս երգուեց, որ ճշդութեամբ կը-
 գործադրի սահմանադրութեան հրահանգներն և
 այդ երգումը նա կրկնեց ազգային ժողովին ուղղած
 հրովարտակի մէջ այն օրը, երբ վերջնականապէս
 ընդունուեց հոգևորականութեան վերաբերեալ նոր
 օրէնքը, օրէնք, որ ամենից շատ նպաստեց թա-
 գաւորի փախստեան: Այսպիսով Լիւզովիկոսն ոչ
 միայն ծածկում էր ժողովրդից իր ծրագիրը, այլ
 և աշխատում էր նրանց խաբել, համոզելով ազ-
 գային ժողովին, որ ինքն անկեղծ և անձնուէր է:
 Նա, Ֆրանսիայի թագաւորը, ստորագրում էր մի և
 նոյն ժամանակ այսպիսի թղթերի տակ—մի կողմից
 յայտարարւում էր, որ թագաւորը կամենում է
 նոր սահմանադրութիւնը գործադրել, միւս կող-
 մից դադանի գրագրութիւն էր սկսուած արտա-
 սահման փախած արքայազների հետ՝ թէ ի՞նչպէս
 լաւ կլինի պատրաստել թագաւորի փախուստը
 սահմանադրութիւնը ոչնչացնելու. նպատակով:
 Սրանից յետոյ ի՞նչ զարմանալու բան կար, եթէ
 թագաւորն այնպէս խիստ պատժուեւր լինէր
 ժողովրդական ներկայացուցիչների կողմից:

1791 թուի յունիսի 12-ին Ֆրանսիայի մայրաքաղաքում տարածուեց սոսկալի լուր. դիշերը դադանարար թագաւորը թողել էր Պարիզն ու փախել էր: «Այս լուրը, գրում է Պրիւզօմ, բոլորին շփոթեցրեց, և բոլորը մտահոգութեամբ գնում էին դէպի արքայական պալատը, կարծես կամենալով անձամբ համոզուել թէ իսկապէս թագաւորը թողել է իր ժողովուրդն ու փախել է արտասահման»:

Ժողովրդական այս տարակուսանքը շուտով տեղի տուեց երկիւղին, իսկական սարսափին: Ամենքին թւում էր թէ թագաւորի բացակայութեամբ երկրի դրութիւնը վտանգաւոր կլինի և թագաւորը կարծես թէ իր հետ տարել էր այն մտգական թալիսմանը, որ միայն կարող էր Ֆրանսիային պաշտպանել: Բայց այս երկիւղն էլ երկար չտևեց: «Կարծես միանգամից, ասում է Պրիւզօմ, բոլորի հայացքը դարձաւ դէպի Ազգային ժողովը և այդ հայեացքի մէջ կարելի էր կարդալ՝ «ինչ արած, թագաւորը չկայ, մեր փրկութիւնն Ազգային ժողովումն է. թող թագաւորը գնայ, ուր կամենում է, հօ ազգը մնացել է»: Եւ մի ըսպէտմամբ ամենքի սիրտը հանգստացաւ, ժողովուրդը նոյն իսկ սկսեց հանաքներ անել թագաւորի փախուստի առթիւ և այս հանաքները շատ էլ ախորժելի բնաւորութիւն չէին կրում Լիւզովիկոս XVI-ի համար: Սոսկալի տպաւորութիւն թողեց թագաւորի փախուստը սահմանադիր ժողովի վրա էլ: Նա

իսկոյն ժողովուրդի հարցը քննելու թէ ի՞նչ անել: Ամբիոնի վրա է պատգամաւոր Դեմենիէն. «Պարոնայք, տեղի է ունեցել սոսկալի ոճրագործութիւն. Ազգային ժողովը արդէն վերջացրել էր իր պարասմունքները, սահմանադրութիւնն արդէն պատրաստ էր, սկսուել էր միանգամայն խաղաղ ժամանակ, և այս վայրկենին հասարակական խաղաղութեան թշնամիները մտածել են միանգամից վրէժ լուծել ամբողջ ազգից: Յունիսի 20 լոյս 21-ի գիշերը թագաւորն ու ամբողջ արքայական ընտանիքը գողացուել են» . . .

Պատգամաւոր Բեյերեբ, խիստ ընդհատելով. «Դա սուտ է. թագաւորին չեն գողացել, նա խայտառակ և վախկոտ կերպով փախել է»:

Վեմենիէ . . . Ես խնդրում եմ ինձ չընդհատել և լսել ուշադրութեամբ, ինչպէս այդ պահանջում է ներկայ լուրջ բոլորէն: Ֆրանսիան կամենում է ազատ լինել և ազատ էլ կլինի: Ֆրանսիայի թշնամիները կամենում են ստիպել յեղափոխութեանը յետ գնալ, բայց յեղափոխութիւնը յետ չի գնալ: Ստրուկներն ու յետադէմները պիտի համոզուեն Ֆրանսիական ազատութեան հիմնադիրներին համարձակութեան մէջ և մենք ի դէմս ամբողջ ազգի հանդիսաւորապէս յայտնում ենք, որ ազատութիւնը կպահպանուի կամ թէ մենք կմեռնենք: Ասում են, որ մենք խռովարարներ ենք. այո՛, անկասկած մեր սահմանադրութիւնը խռովարարների դործ է: Դուք գիտէք Ֆրանսիայում որքան խռովարարներ կան. նրանք 24 միլիոն են (աղմկալից հաւանութիւն): Մեզ մեղադրում են, որ

սահմանափակել ենք թագաւորի իրաւունքը, բայց
ևս յայտարարում ենք, որ Ֆրանսիայի ներկայացուցիչներն ոճրագործներ կլինէին, եթէ յօդուտ մի մարդու զոհէին 24 միլիօն մարդու շահերը: Թող սահմանադրութեան թշնամիները հասկանան, որ Ֆրանսիայում հին ստրկական դրութիւնը վերականգնելու համար պէտք է ոչնչացնել ամբողջ ազգը: Թող բռնակալութիւնը կատարի այդ ոճրագործութիւնը. նա կամ կխորտակուի, կամ կմտնի մի երկիր, ուր չի դառնուիլ ոչ մի կենդանի շունչ (աղմկալից ծափահարութիւն):

Դեմենիէի ճառը չնայելով ձևի խտութեան, իսկապէս մեղմ էր. սահմանադիր ժողովը պիտի յայտարարէր, որ թագաւորն ու նրա ընտանիքը յափշտակուած են «ժողովրդի թշնամիներին» և որ մինչև թագաւորի վերադարձն ամբողջ իշխանութիւնը կենդրոնանում է ազգային ներկայացուցիչների ձեռքում:

Թագաւորի փախուստը կատարուել էր պալատական կուսակցութեան մանր ինտրիգների շնորհիւ, որին առանձին նշանակութիւն չպիտի տալ: Եւ այն ժամանակ, երբ Ազգային ժողովն այդպիսի որոշումն ընդունեց, նա հրաման արձակեց բռնել փախած թագաւորին: Յունիս 22-ին թագաւորին բռնեցին Վարին քաղաքում և սահմանադիր ժողովի երեք անդամների ուղեկցութեամբ և 16 թնդանօթների պաշտպանութեամբ բերեցին Պարիզ: Սահմանադիր ժողովի հրամանի համաձայն ոչ ոք իրաւունք չունէր ոչ ողջունելու, ոչ վերաւորելու վերադարձող թագաւորին և Լիւզովի-

կոսը մտաւ Պարիզ մայթերի վրա խոնուած ամբոխի մեռելային լուսթեան մէջ: Նա ինքն էլ իրան վատ էր զգում և պալատ վերադառնալով, ինչպէս ասում են, ընկաւ բողկաթոռի վրա բացականչելով: «Սակայն յիմար ճամբորդութիւն կատարեցի»:

Սահմանադիր ժողովն իր կողմից հարց բարձրացրնց թէ՛ Լիւդովիկոս XXV-ը փախուստի և սահմանադրութիւնը խախտելու համար պատժի պիտի ենթարկուի՞ թէ ոչ: Երկար վիճարանութիւններից յետոյ որոշուեց, որ թագաւորի անձը սուրբ է, ուստի և չի կարող պատժի քննո թեան առարկայ դառնալ: «Թագաւորին յափշտակել էին կամ աշխատում էին յափշտակել սահմանադրութեան թշնամիները, նրանց վրա էլ միայն պիտի թափուի ժողովրդական ներկայացուցիչների բարկութիւնը»: Թէև ազգային ժողովի այս որոշումը վկայում էր, որ Ֆրանսիայի առաջին ներկայացուցչական ժողովը խորը միապետական զգացմունք ունէր, սակայն թագաւորի փախստեան առթիւ արտասանած ճառերն ապացուցանում էին, որ մօտիկ է Ֆրանսիայում հասարակական կարծիքի յեղաշրջումն և հերիք է մի երկու այդպիսի դէպքեր էլ, որ վերջնականապէս ընկնէր արքայական արժանիքը Ֆրանսիայում և Ֆրանսիական ժողովուրդը դառնար հասարակապետական:

Լիւդովիկոսի դէմ առաջինը խօսեց Բօրեսպիերը. նրա կարծիքով չի կարելի թագաւորի սրբազան և անձեռնմխելի անձը բարձր դասել ժողովրդի անձեռնմխելի իրաւունքից: Երբ միանգամ վերջինս խախտուած է, ապա դրանով խախտ

առում է և արքայական անձի անձեռնմխելիութիւնը: Սոսկելով Լիւդովիկոսի դէմ, Բօրեսալիերը մի և նոյն ժամանակ շտապեց յայտարարել, որ նա հակառակ է հասարակապետութեան և որ դեռ բաւական չէ թոթափել մի մարդու բռնակալութիւնը. «Ես արհամարհում եմ այնպիսի կառավարութիւնները, ուր իշխում են խռովարարները»: Այդ բողէին երևում է Ֆրանսիայի ապագայ կառավարիչը, որ դեռ պետական կառավարութեան որոշ ձև չէր մշակել և խոստովանելով, որ Լիւդովիկոս XVI-ը իբրև թագաւոր անպէտք է, չէր կարողանում սահմանադիր ժողովին որևէ խորհուրդ տալ:

Աւելի որոշ և խիստ խօսեց ժողովրդական ներկայացուցիչ Գրեգուարը. «Ժողովրդական անվրաստանութիւնը-բացականչում է նա-ամենալաւ միջոցն է փրկելու ազատ ազգը: Բայց դուք կարճ էք ստիպել ժողովրդին, որ Լիւդովիկոսին վստահութեամբ վերաբերուի, եթէ նոյն իսկ նա երգուի հաւատարիմ մնալ սահմանադրութեան. ապա ով ձեզանից կերաշխաւորի, որ նա կ'կատարի իր երգումն: Ես պահանջում եմ, որ անմիջապէս հրաւիրուեն ընտրողներն և անմիջապէս կատարուի ազգային ժողովի (կոնվենտ) ընտրութիւն»: Եւ համարձակ պատգամաւորը բաց է թողնում այն հարցը թէ ինչո՞վ պիտի զբաղուի ազգային կոնվենտը՝ նա պիտի տաի, որ Լիւդովիկոսը կորցրել է ժողովրդեան վստահութիւնը, թէ՞ պիտի նոր թագաւոր ընտրի, կամ հասարակապետութիւն յայտարարի: Գրեգուարի ճառի մէջ այդ հարցերի պատասխանը չենք գտնում. երևի նա ինքն էլ

այդ մասին իրան հաշիւ չէր տալիս, բայց Րօբեսպլիերի պէս չէր յարձակուում հասարակապետութեան դադափարի դէմ, թողնելով ընտրողներին որոշել այդ հարցը:

Գրեգուարից յետոյ ամբիոնն բարձրացաւ Վադիէն, որը ոչ միայն պաշտպանեց նախորդ հետտորին, այլ աւելի որոշ պահանջեց Լիւդովիկոս XVI-ի գահից հրաժարումն: Նա ասաց. «Մեծ ոճրագործութիւնը կատարուած է, յանցաւորներն ակնբերեալ են: Ամբողջ աշխարհն իր հայացքն ուղղել է դէպի մեզ և մեր սերունդներն էլ պիտի օրհնեն կամ անիծեն մեզ: Այս բոլորն ամեն ինչ հրապարակի վրա է դրուած: Կամ դուք նոր Ֆրանսիային հաստատուն հիմքերի վրա պիտի դնէք, կամ պիտի կործանէք նրան: Ես ձեզ հարցնում եմ. կարո՞ղ է թագաւորը, որ խախտել է երդումը, փախել է իր դիրքից, տարել է իր հետ ապագայ թագաւորին, ցանկացել է կործանել երկիրը, կարո՞ղ է, հարցնում եմ ձեզ, այդպիսի մարդը կոչուել Ֆրանսիական թագաւոր: (Թոյլ հաւանութիւն): Այն օրից, երբ Լիւդովիկոսը հրաժարուեց թագից (բողոքներ), չի կարող խօսք լինել նրա անձի անձեռնմխելիութեան մասին: Կարո՞ղ է ձեզանից մէկը հնթադրել, որ թագակիր աւազակը (խիս բողոքներ, որ արգելում է հետեօրից խօսել) ... կարելի է թոյլ տալ, որ թագակիր աւազակն իրաւունք ունենայ անարգել և անպատիժ սպանել, այրել և օտար զինւորներին հրաւիրել իր երկիրը: Այդպիսի հնթադրութիւնը տանում է դէպի Ներոնների և Կալիգուլաների թագաւորու-

թիւնը . . . Երբ հարկ կլինի հրատարակել օրէնք ընդդէմ դաւաճանների, միթէ դուք այն ի կատար կածէք յանուն փախստականի և երգմնազանցի։ Այ, երբէք ազատ Թրանսիան այդպիսի պղծութիւն չի կատարի . . . Ինձ մեղադրում են, որ Մարատի լեզուով եմ խօսում, ի՞նչ անենք, ես սովոր չեմ ամբիոնից խօսելու, ես խօսում եմ այնպէս, ինչպէս որ թելադրում է իմ պարտքը ընտրողներիս առաջ և կխօսեմ մինչև անգամ կեանքս վտանգելով։ Ես պահանջում եմ, որ հրաւիրուի կինդրոնական կոնվենտը, որը յայտարարի Լիւդովիկոս XVI-ի հրաժարումն Ֆրանսիական թագից»։

Գրեգուար-Վադիէի առաջարկութիւնն, ինչպէս մենք յիշեցինք, չընդունուեց։ Սահմանադիր ժողովը որոշեց, որ արքայական անձի անձեռմխելի ընաւորութիւնը չի թոյլ տալիս նրան զրկել զահից և բաւականացան միայն նրանով, որ թագաւորին «յաւիշտակոյները» պատասխանատուութեան ենթարկուեցին։ Այժմ տեսնենք թէ ժողովուրդը ի՞նչպէս վերաբերուեց դէպի թագաւորի փախուստը և այդ փախուստը ինչ հետևանքներ ունեցաւ երկրի համար։

X

Յեղափոխութեան առաջին օրից ժողովուրդն ուշադրութեամբ սկսեց ականջ դնել թէ ինչ է խօսւում և գործւում սահմանադիր ժողովում։ Այս քիչ է, նա աշխատում էր հնար եղածի չափ ազդել ժողովի որոշումների վրա և այդ նպատա-

կով յաճախ ժողովրդի անունից տալիս էին այս կամ այն հանրապրութիւնը, ուր արծարծւում էին ժողովրդական ցանկութիւններն ու պահանջները: Որպէս զի հեշտ և լաւ քննուեն հասարակական խնդիրներն և ազգեն սահմանադիր ժողովի տրամադրութեան վրա, ժողովուրդը սկսեց կարգաւ ամենօրեայ լրագրերը, յաճախ միասին հաւաքուել, կազմակերպուել, միտինգներ և ակումբներ կազմել, ուր տեղի էին ունենում այսպիսի վէճեր ու հակաճառութիւններ ժողովուրդների մէջ, ինչպէս սահմանադիր ժողովում: Առանձնապէս այն ժամանակ յայտնի էր եակորինների ակումբը, որն ունէր բաժանմունքներ ամբողջ Յրանսիայում և Պարիզից տուած նշանով կարող էր խսկոյն շարժել հազարաւոր ժողովուրդ: Ենորհիւ այսպիսի կազմակերպութեան, եակորինական ակումբն ուժ էր ներկայացնում և այս ակումբի կողմից ընդունուած որոշումներն երբեմն իսկական օրէնքի ուժ էին ունենում, նամանաւանդ, որ ժողովրդական շատ ներկայացուցիչներ միևնոյն ժամանակ և այդ ակումբի անդամներ էին: Մեծ ժողովրդականութիւն ունէր այս ակումբում Բօքեսպիերն, որը լաւ էր հասկանում, թէ որքան կարևոր էր ժողովրդական ներկայացուցչի համար հաստատուն յենարան ունենալ ժողովրդի մէջ: Եակորինական ակումբը պաշտպանում էր սահմանադիր ժողովին և այն դէպքերում, երբ նրա որոշումները տարբերւում էին ակումբի որոշումներից: Մի քանիսն այդ պատճառով դժգոհ էին եակորիններից, ուստի կազմեցին աւելի ծայ-

բայից ակումբներ, այսպէս կոչուած, կորդելեան
ակումբ, ուր առանձին յաջողութիւն ունէին
հրապարակախօս Մարատն և փաստաբան Դանտօն:
Երբ 1791 թուի յունիսի 21-ին Պարիզն
խմացաւ թագաւորի փախստեան մասին, անմի-
ջապէս ակումբները սկսեցին սահանջել Լիւզովի-
կոսի թագից հրաժարեցումն: Կորդելեանները կոչ
հրատարակեցին, ուր ի միջի այլոց, ասուած էր.
«Ժողովրդի և թագաւորի մէջ այժմենից կապը
խզուած է: Ազատ Փրանսիացիները, կորդելեան ա-
կումբի անդամներն իրանց յայտարարում են բռ-
նակալների սպանողներ»: Միևնոյն ժամանակ կոր-
դելեանները գիմեցին հակորինեաններին խնդրե-
լով միասին հանրագիր ներկայացնել ազգային
ժողովին Լիւզովիկոսի Փրանսիական գահից զրկե-
լու մասին: «Լիւզովիկոսը հրաժարուել է գահից,
ասուած էր այդ հանրագրում, այժմենից նա մեզ
համար ոչինչ է . . . Մնում է իմանալ՝ ձեռնտու է
Լիւզովիկոս XVII-ի տեղն ընտրել ուրիշ թագաւոր:
Մեր ընկերութիւնը չի կարող այլևս ծածկել, որ
արքայական, մանաւանդ ժառանգական իշխանու-
թիւնը, ազատութեան հետ միաբանել չի կարող:
Գուցէ հարկ չէր լինիլ նրա ոչնչացումն այսպէս
շուտ սահանջելը, եթէ թագաւորը հաւատարիմ
մնար երգման: Մենք խնդրում ենք ձեզ, օրէնս-
դիրներ, կամ անմիջապէս յայտարարել, որ
Փրանսիան այլևս միապետութիւն չէ, կամ գոնէ,
նախքան երկրորդ անգամ այս գեղեցիկ երկիրը
միապետական շղթաներով կաշկանդելը, սպասել
մինչև բոլոր դեպարտամենտները այս լուրջ խնդրի

մասին կյայտնեն իրանց կարծիքը»:

Այս հանրագիրն ուղարկելով Ազգային ժողովին, ակումբների անդամներն երկրի ամեն կողմում սկսեցին անմիջապէս քարոզել ազգային կոնսիկենտ գումարելու օգտին, որ պիտի վճռէր Ֆրանսիայի կառավարութեան բարեփոխութեան հարցը: Կազմուեց նոր հանրագիր, որը 1791 թուի յուլիսի 17-ին պիտի ստորագրէր ամբողջ ժողովուրդը: Այս հանրագրի մէջ ասուում էր, որ ստորագրողները միայն այն ժամանակ կընդունեն Լիւզովիկոս X^V-ին Ֆրանսիական թագաւոր, երբ կկայանայ կոնսիկենտի ընտրութիւնը և վերջինս քուէ կտայ յօգուտ Լիւզովիկոսի: Յուլիսի 17-ին, երբ ժողովուրդն սկսեց հաւաքուել Մարսեան դաշտում, ակումբների մշակած հանրագիրը ստորագրելու համար, յանկարծ յայտնի եղաւ Ազգային ժողովի որոշումը թէ՛ թագաւորի անձն այնքան անձեռմխելի է, որ չի կարելի զրկել թագից և որ պատժի ենթարկուելու են միայն թագաւորին «յափշտակողները» և ոչ նա ինքը: Եակոբինները իբրև սահմանադիր ժողովի հաւատարիմ պաշտպաններ, հրաժարուեցին ստորագրելուց, մինչդեռ կորդելեանները պնդում էին և պահանջում, որ հանրագիրն ստորագրուի և ուղարկուի ազգային ժողովին: Տեղի ունեցան թիւրխմացութիւններ, աղաղակ, վէճ և ամբողջ Մարսեան դաշտը ծածկուեց գոռացող և յուզուող ժողովրդով: Իրանից օգտուեցին ակումբի և ժողովրդական շարժման թշնամիները և Մարսեան դաշտում ամբոխը խաղաղեցնելու համար դուրս եկաւ ազգային գվար-

դիայի հրամանատար Լաֆայետը և քաղաքագլուխ Բայլին, ուղեկցութեամբ մեծ քանակութեամբ հեծելազօրքի: Առանց նախազուշացնելու Լաֆայետը հրամայեց գնտակահարել ամբոխին: Առաջացաւ սոսկալի սարսափ, խելազար փախուստ և յուլիս 17-ը վերջացաւ բազմաթիւ զոհերով:

Միւս օրը քաղաքագլուխ Բայլին ներկայացաւ սահմանադիր ժողովին, որ նախորդ օրուայ արիւնահեղ դէպքը զեկուցանի և ի հարկէ մեղադրեց հասարակատեականներին, որոնց խղճի վրա պիտի ծանրանայ անմեղ մարդկանց արիւնը: Ազգային ժողովը հաւատաց Բայլին և ազգային ժողովի նախագահը Փրանսիական ժողովրդի անունից շնորհակալութիւն յայտնեց Լաֆայետին և Բայլին, որ կարողացել են այդպէս ճարպիկ կերպով պահպանել հասարակական կարգը: Բացի այդ, հէնց նոյն օրն ընդունուեց մի օրէնք, որով խիստ պիտի պատժուէին բանաւոր կամ զբաւոր փորձերը ժողովրդական յուզումն առաջ բերելու կամ օրէնքին չհնազանդուելու համար: Ազգային ժողովը վճռականապէս գնում էր ճնշումների ճանապարհով և ակումբների մի քանի անդամները ստիպուած էին հեռանալ Փրանսիայի սահմաններից, զրանց թւումն էին Մարտին ու Դանտօնը: Մկսուեց, ինչպէս ասում է պատմարան Օլեարը, փոքրիկ բուրժուական ահաբեկումն (տերրօր):

XI

Մինչ այդ, սահմանադիր ժողովի աշխատանքները վերջանալու վրա էին. սահմանադրու-

Թիւնը մշակուած էր, կրկին վերաքննուած, և Թագաւորն երկրորդ անգամ երդուեց հնազանդուել սահմանադրութեան բոլոր յօդուածներին: 1791 թուի սեպտեմբերին սահմանադիր ժողովը որոշեց, որ կարելի է արդէն ցրուել և նրան պիտի փոխարինի օրէնսդրական ժողովը, որի պարտաւորութիւնն էր սահմանադիր ժողովի մշակած սկզբունքները մտցնել կեանքի մէջ:

Քիչ մանրամասն քննենք 1791 թուի սահմանադրութիւնը, որ սկիզբ դրեց այն պետական կազմի, որ ընդհանուր դժերով պահպանուել է Արեւմտեան Եւրոպայում մինչև մեր օրերը: Նա սահմանեց Ֆրանսիայում սահմանափակ միապետութիւն, այսինքն Թագաւորի իշխանութիւնը սահմանափակում էր օրէնսդրական ժողովով, ղեկավարուելով սահմանադրութեամբ: Ֆրանսիայում օրէնքից բարձր հեղինակութիւն չկայ: Թագաւորը կառավարում է օրէնքով և իրաւունք ունի պահանջել իրան հնազանդուել յանուն օրէնքի: Թագաւորը գահ բարձրանալու ժամանակ օրէնսդրական ժողովի ներկայութեամբ երդուելու է ազգին, որ հաւատարիմ կլինի ինչպէս ազգին, նոյնպէս և օրէնքին: Դէպի Լիւդովիկոսն անվրստանութիւն տածելով 1789 թուի գործիչները սահմանադրութեան մէջ մտցրին յօդուածներ, ուր թուած էին այն դէպքերը, երբ Թագաւորը գահից զրկուած է համարուում: Յօդուած 5-ն ասում է. «Եթէ օրէնսդրական մարմնի հրաւիրելուց մի ամիս յետոյ Թագաւորը չի երդուիլ կամ տուածը յետ կվերցնի, նա գահից հրաժարուած է համար-

ւում»։ Ն ըդ յօդուածն ասում է. «Նթէ թագաւորը զօրքի գլուխ կանգնի և նրան ուղղի ազգի դէմ, կամ ազգային որոշմամբ չարգելի այնպիսի ձեռնարկութիւն, որ նրա անունովն է օգտուում, նա համարուում է դահազուրկ»։ Վերջապէս 7-րդ յօդուածը. «Նթէ թագաւորը հեռանայ թագաւորութիւնից և չվերադառնայ օրէնսդրական մարմնի հրաւերով նշանակեալ ժամանակին, որ 2 ամիսից քիչ չպիտի լինի, նա համարուում է դահազուրկ»։

Թագաւորի ոռճկի չափն էլ ամբողջապէս պատկանում էր օրէնսդրական իշխանութեան։ Այսպէս՝ սահմանադրութեան 10-րդ յօդուածն ասում է. «Ազգը բաց է թողնում թագաւորի և նրա արժանապատուութեան պահպանութեան համար յայտնի գրամական գումար, որի չափը որոշում է օրէնսդրական ժողովը իւրաքանչիւր թագաւորի վահ բարձրանալու օրից մինչև նրա մահը»։

Արքայական իշխանութեան այս սահմանափակումներն այնուամենայնիւ թողեցին թագաւորի անձը սրբազան և անձեռմխելի։ Ազգային ժողովի առաջ կառավարական բոլոր գործողութիւնների համար պատասխանատու էր ոչ թէ թագաւորը, այլ նրա նախարարը, որը պարտաւոր էր ստորագրել բոլոր պաշտօնական թղթերը։ «Ոչ մի դէպքում թագաւորի բանաւոր և գրաւոր հրամանը չեն կարող պատասխանատուութիւնից ազատել նախարարին»։

Մեծ հետաքրքրութիւն էին ներկայացնում և սահմանադրական օրէնքները, որոնք վերաբե-


րում էին դատաստանական իշխանութեան: «Դատաստանական իշխանութեան դերը—ասում է առաջին յօդուածը—ոչ մի դէպքում չի կարող կատարել ոչ թագաւորը և ոչ օրէնսդրական ժողովը»: «Բաղաքացիները—ասում է մի ուրիշ յօդուած—կարող են դատուել միայն այն դատարանով, որ սահմանուած է օրէնքով. նոքա չեն ենթարկուամ որ և է յատուկ դատարանի»: «Բոլոր ձերբակալուածները—ասում է մի այլ յօդուած—պիտի խսկոյն հարցաքննութեան ենթարկուեն: Ամենածայրայեղ դէպքում հարցաքննութիւնը պիտի կատարուի 24 ժամից ոչ ուշ: Եթէ հարցուվորձից կերևայ, որ ձերբակալուածին մեղադրելու պատճառ չկայ, նրան անմիջապէս ազատ են թողնելու»: 17-րդ յօդուածն ասում է. «Ոչ ոք չպէտք է ենթարկուի հալածանքի, կամ դատի տրուի այն բանի համար, որ նա գրել է, տպագրել է կամ տարածել է անկախ բովանդակութիւնից, եթէ միայն նա կանխամտածութեամբ չի գրուում չհնազանդուել օրէնքին, անուանարկել սահմանադրական իշխանութիւններին, դիմադրել պետական գործողութիւններին, և այն գործողութիւններին, որ օրէնքով ճանաչուած են ոճիր. կամ յանցանք»:


Բացի սահմանադրական օրէնքներից, 1791 թուի սահմանադրութեան մէջ էր մտել անհատի և քաղաքացու իրաւանց դեկլարացիան, որի բնագիրը մենք վերը բերեցինք, իբրև առաջաբան սահմանադրութեան, որ ասում էր. «Ազգային ժողովը կամենալով կառուցանել Ֆրանսիայի սահմանադրութեան շէնքը անհատի և քաղաքացու

իրաւանց հիւմքի վրա, ընդմիշտ ոչնչացնում է այն հիմնարկութիւնները, որոնք բռնաբարում էին ազատութիւնն ու քաղաքացիների հաւասարութիւնը: Այս օրից էլ չկան ոչ ականաւորներ, ոչ արտօնեալներ, որպիսի արտօնութիւնները տրւում էին ժառանգաբար. ոչ դասակարգային բաժանումն, ոչ ճորտութիւն, ոչ ժառանգական դատարան, ոչ տիրոջոսներ. չկայ ոչ մի արտօնութիւն, ոչ մի ասպետական միաբանութիւն—չկայ ոչ մի այնպիսի բան, որ ենթադրում է թէ իբր մարդիկ ծննդեամբ իրար հաւասար չեն: Այժմենից հասարակական պաշտօնները չեն կարող ձեռք բերուել ոչ փողով, ոչ ծաղումով և ոչ ժառանգաբար: Ոչ ոք չի կարող այնպիսի խոստումն կամ որ և է պարտաւորութիւն տալ, որոնք կհակասէին մարդու բնական իրաւունքին կամ սահմանադրութեան որոշումներին»:

Թւում էր, թէ այսպիսի արդար սկզբունքների վրա հիմնուած սահմանադրութիւնն երկար կտևի և կապահովի Ֆրանսիայում ցանկալի խաղաղութիւնն ու հանգստութիւնը: Բայց իրօք հակառակը դուրս եկաւ և մի տարուց յետոյ ոչ միայն 1791 թուի սահմանադրութիւնը պիտի փոխուէր, այլ և Ֆրանսիայի կառավարութեան ձևը փոխուեց—սահմանադրական միապետութիւնից Ֆրանսիան դարձաւ հասարակապետութիւն: 1789 թուի մարդկանց կառուցուածքի խախտւտ լինելու պատճառն այն էր, որ հին բեժիմի արտօնեալ դասակարգերը թագաւորի հետ միասին ամեն կերպ ձգտում էին

Ֆրանսիան տանել հին կեանքին, այն կեանքին, երբ երկրային բոլոր բարիքներին օգտուում էին միայն թագաւորը, հոգևորականութիւնն ու ազնուականութիւնը: Իր իսկական ուժերով անկարող լինելով կռուել երիտասարդ Ֆրանսիայի դէմ, թագաւորը հնարքներ էր որոնում բանակցելու օտար պետութիւնների հետ, որոնք պիտի օգնէին նրան յեղափոխական, առաջաւոր Ֆրանսիայի հետ կռուելու համար և Լիւդովիկոս XVI-ի օտար պետութիւններին դիմելու հետևանքն այն եղաւ, որ մի կողմից Ֆրանսիայում կործանուեց միապետութիւնը, իսկ միւս կողմից՝ անհամար պատերազմները, որ ամբողջ Ֆրանսիական հողը արիւնով ներկեցին: Բայց այդ արիւնը չի ընկնում նրանց վրա, որոնք նշանաւոր գործը—անհատի և քաղաքացու իրաւանց դեկլարացիան և 1791 թուի սահմանադրութիւնն ստեղծեցին, այլ նրանց, որոնք տեսնելով, որ խաղաղ ճանապարհով չկարողացան իրանց նպատակին հասնել, օգնութեան կանչեցին Ֆրանսիա Պրուսիայի և Աւստրիայի դինուած զօրքերին:





Մ. ՎԱՐԴԱՊԵՏԻ ԹԱՐԳՄԱՆՈՒԲՐՈՆՆԵՍԻՆ,

1. Մանտեղացյա—կեղծաւոր դար (սպառ.) 25 կ.
2. Շ. Սենհորոս—Ժամանակակից Եւրոպայի
քաղաքական պատմութիւնը Ա. գիրք
Անգլիա պատկերազարդ 50 կ.
3. Լօզինսկիյ—Սահմանադիր ժողովը Ֆրանսիայում 1789 թ. 10 կ.

Գ Ի Ն Ն Է 10 Կ.

Գումարով գնողներին և զբաղանձաններին 25⁰/₀ զիջումն կլինի

Դիմել՝ Эчмιάძინի Типографическому Комитету.



[3 n.]

ԳԱՆ Հիմնարար Գիտ. Գրադ.



FL0058675

A $\frac{T}{16772}$